

嘉慶丙子夏鐫

孔  
目  
目  
興  
縣  
字  
之

綠雲山房藏板

永昌縣志序

丙子春余安研於雲川書院南斗岳先生  
以所為永昌志八卷來曰邑開自漢蓋云  
舊矣其間陷復無常至元粗定故文獻僅  
存遠者恒闕以其取材自近故事少而集  
隘尤志之小者也余謂志以傳信與其徵  
引附會博古是矜毋寧近守之確以當矧  
自元迄今幾六百歲不可謂非遠也凡郡

永昌縣志

序

一

國之籍以縣志為其權輿帙雖不豐所關  
大也顧其紀載何如耳謹受而讀之既竟  
見其結構謹嚴叙論簡核殆參之太史以  
著其潔者乎時邑之老成紳士僉為余言  
先生景仰前徽網羅散失自歸田十年來  
披覽殘編斷碣偶得其人一二事實如拱  
璧輒為立傳有明人物較增於原志者以  
此其於當代則廣採詳質進退惟公而已

不與譽謗罔知焉至若一統志所列方輿  
多與舊史不合致滋衆議是又未可率爾  
者先生於沿革古蹟之類既參稽往策復  
詣勘其道里形勢務窺廬山真面其用心  
有如此然自余綜觀之各卷皆逐字稱量  
而出銖兩不爽匪第如所云然也嘗翻閱  
官師篇知永故無志明萬歷間揮僉南公  
魁與揮同趙公光遠倡而為之揮僉公即

永昌縣志

序

先生之六世祖也夫龍門一書父子繼軌  
今其祖創始於前曠數代而孫擴於後亦  
豈偶然哉敬綴數語而為之序

嘉慶二十一年丙子孟夏中浣

賜進士出身吏部觀政蘭山後學黃在中謹

撰並書



永昌縣志序

志者即古列國之史永為漢縣而志始於  
明萬歷間草創焉爾其附在郡志者較備  
乾隆己巳憲副張治齋先生所定也而邑  
無專刻逮甲辰續而梓之主議者李邑侯  
韋齋余叨搦管旋以義例未當遂錮其版

永昌縣志

序

一

今三十載矣頃鄉君子復商及此不禁瞿  
然曰可再誤耶自揣識闇不克辨是非弁  
鄙之胸又不足以徵文而攷獻矧志關得  
失寓諷勸有人所欲言非志之所得言亦  
有志所得言非余之所敢言以地著之人  
預掌故之務直道為公良不易耳且合纂

之難也將併前後為一編有所因必有所  
損益昔扶風漢書易遷八書為十志若劉  
項功臣諸紀傳於舊文間經點竄論者且  
不能無譏倘以不敏從茲役僭踰之愆當  
復奚似哉辭弗獲已因思櫟邀自安是固  
其分然自己巳至今幾七十年土會盈虛

民生愉戚以及人材之消長政治之利病  
竟等於煙雲變滅致後之人罔所徵信誓  
將誰歸爰與鄉邑老成廣搜博採有所得  
焉則書久之寸牋尺幅壁戶皆滿廼裒輯  
焉地理建置水利兵防官師人物選舉藝  
文總目凡八其据古證今毫無參以己意

者事其隨筆發揮而不盡襲前人者詞詞  
以詳事毋偽而誣此邑之志非余之志也  
我永當西域通衢凡建節使者輪蹄所至  
與夫遊人携屐豪客停驂迢迢披覽邑乘  
用覘風景是誠未足辱觀所異永之人家  
置一冊得曉然於鄉國情形習尚臧否庶  
有裨乎抑或琴室公餘俯垂流覽而加之  
釐訂則又幸甚

嘉慶二十年仲夏上澣斗岳南濟漢謹序




縣域圖

永昌縣志

圖

一




五  
書  
傳  
高

縣治圖

永昌縣志

圖

二






# 水利圖

## 永昌縣志

### 圖

三




永昌縣志

圖

四

李自恭繪



修志凡例

一志先辨類舊志堡寨橋梁概附地理是編移入建置指揮千百戶等職分載選舉茲統列于官師如此者頗多風俗專為一冊今併入地理而水利另編以其所關者重故叙較詳也要有所本非敢矯異

一往事如沿革古蹟及官師人物中有改訂者有增入者皆稽諸史冊採諸金石與其家乘或父老之口期于毋誤毋漏而已

一邇採節義志與鄰近老成再三質証必僉曰可然後叙入間有出以已意者皆確然共信非阿好也其或

永昌縣志

凡例

山深壤僻聞見難周則俟諸異日

一官評去後而定鄉評則歿後而定至于貞操匹世隱德高年者不拘此例

一志尚簡明毋庸辭費茲于每卷標首弁以總冒用存古體至各條之前有當推原者間綴數語否則無之後論亦然不盡歸于一律

一後人誣稱先代昔賢深弁廼君祖父有嘉懿以子孫操筆而顧軼之亦未為安然終嫌涉于私是編所列皆舊志已載者餘不具錄

永昌縣志目次

卷一地理志

疆域 沿革 山川 星野 風俗 祥異 戶口  
土田 賦則 徭役 方產

卷二建置志

城池 官署 學校 廟祠 壇壝 倉廩 驛塘  
演武 書院 義學 寺觀 粥廠 養濟 市鎮  
堡寨 橋梁 古蹟 墓

卷三水利志

山水 泉水 釋名 工作 灌略 董事

永昌縣志 目次

卷四兵防志

營制 關隘 兵馬 糧餉 軍械 烽墩

卷五官師志

藩封 鎮守 指揮 教授 知縣 典史 教諭  
叅將 副將

卷六人物志

文蹟 武功 忠孝 義行 節烈 耆壽 流寓

卷七選舉志

進士 舉人 貢生 軍功 掾吏 武進士  
武舉 將材 封贈

卷八藝文志

記詩

永昌縣志

目次

二

永昌縣志卷之一

邑人南濟漢纂輯

勾德瑞



閔 全校

王國賓  
南棠

地理志

邑當涼郡右衝故稱要隘地理務亟講也疆域攸畫沿革繫之環以山川應乎星野其間沃瘠殊俗移易在人固守土者之責而鄉士大夫顧可不身為先與紀祥異以備觀省洎戶口土田賦役物產均以類從尹釐茲土者將有所攷焉

永昌縣志

卷一

一

疆域永昌南北多高山深壑東西平行為萬里通衢封疆之限自作邑以來未之有改也總計全境廣袤六百餘里縣治在涼州府西一百六十里東至柔遠驛武威界七十里西至古城窰山丹界八十五里南至酸茨河接大通河界一百七十里北至昌寧湖鎮番界一百九十里東南至炭山堡武威界七十里西南至白石崖山丹界九十里東北至蔡旗堡鎮番界一百八十里西北至石硤口山丹界一百一十里東至蘭州府省城七百二十里由陝西達京師五千二百八十里

沿革邑本戎落禹貢西戎即叙是也秦穆公時為小月氏

國其後匈奴長休屠據之漢武帝元狩二年昆邪殺休屠  
以衆降元鼎六年即休屠故地置鸞鳥縣隸武威郡此立  
縣之始東漢更名顯美初屬張掖郡繼屬武威郡晉武惠  
時仍顯美縣懷帝永嘉五年依焉支山改置焉支縣附武  
興郡北魏仍名焉支改屬番禾郡隋開皇中廢併入武威  
唐中宗神龍二年于漢故鸞鳥城置嘉麟縣景龍三年省  
先天二年復置開元十六年以赤水守捉更置大斗軍天  
寶末陷于吐蕃越五代未克平宋興吐蕃遠遁太宗至道  
二年復唐舊置名嘉麟縣隸西涼府西涼即武威郡也景  
德中為西夏李元昊所據偽置永州元滅西夏世祖至元  
永昌縣志

卷一

二

十五年置永昌路封王領之降西涼府為州隸焉此稱永  
昌之始明洪武二十五年置永昌衛立前後左右中五所  
隸陝西行都司我  
朝雍正三年改為永昌縣隸涼州府

山川出雲雨以生物故祀典不廢而功德所施厥有大小  
其景趣亦殊茲品第而列之山無弗載至流之細者詳見  
水利

天山直南一百八十里羗人呼天為祁連故又名祁連山  
漢霍嫖姚擊敗匈奴至此而還唐薛將軍三箭所定當在  
湟中舊志引之未確是山綿亘數千里終古積雪大為溉

田之資

鸞鳥山在縣西南一百八十里相傳漢時有鸞棲其上故名山亦以名縣其距縣一百五十里曰平羗山為土著出入門戶又一百四十里曰腦兒山腦兒華言水也三山銜接積雪融流耕者利之

金山城北二十里晉武帝泰始中禿髮樹機能敗涼州刺史蘇愉于此隆安中沮渠蒙遜既拔臨松遂據茲山蓋昔屯軍地也生煤炭附近居民賴以代薪又出陶器其產與正西七十里之紅山同

馬支山在西八十里匈奴歌云失我馬支山使我婦女無

永昌縣志

卷一

三

顏色一作燕支作臙脂者非攷匈奴稱妻曰闕氏音與馬支同歌意殆取此與產藥數十種大黃尤多且良故亦曰大黃山又名青松山向多松今樵採殆盡

東南七十里曰雲莊山其麓近河雲氣滃鬱因名上多松始植傳為晉僧摩阿北巖有石房中有石榻其故居也佛寺道觀高下參差雖鮮壯麗而幽潔可玩盤道有石斜與寺對天然一碑爰鐫松雲湧翠四字以顏之東距十里為石佛崖亦佳境也

東岡距城十里蜿蜒一帶夕陽獨多若晴霞若野燒然東北七十里有洞居山之半一巒前蔽如屏中供石像曰



孩母足下生甘泉，人多就飲之，謂能已疴。凡禱嗣者恒于斯。

獅山東北二十五里，山趾餘凸，蹲伏道側，望之宛然獅也。少西為馬蹄坂，其上馬跡重沓，車騎踐摩之，歲久猶是。俗以為神駿所遺，非也。按壽州安臺石上有人馬跡，蓋本然耳。又西為馬鞍山，亦頗髣髴。

東北之山名石燕者，距縣二十五里。谷中產石如燕，人謂當風而飛，或有之。三十里曰如邨，山石多墳起如北邨，下六十里曰青山，晴巒滴翠，若新出沐。

筆峰山東南四十里，三峰聳峙，若筆紆折而下，曰照面山。  
永昌縣志 卷一 四

雨後嵐光逼堞，由城東隅望之，青如撲面，雪霽尤佳。

武當山在城北五里，以巔供真武名也。自下而上，殿宇相映，頗足遊覽。

金呂山在西北三十五里，地稱阨塞，其距縣六十里有盤道山者，鳥道一綫，迴旋而上，是亦險鎮。

摩天嶺在南七十里，孤峰入雲，最為陡絕。西南二十五里曰橫梁山，又十五里曰饅頭山，兩山斜峙，其間村落相望，錯若齒牙。

罩子山起自永寧堡北尾，抵馬鞍，距縣一百二十里。轉澗口東南，距縣三十五里，其水為天山蓄雪所化，又有

衆泉引之由東水關出數折入澗迤行十餘里九壩分正  
可可河在西南二百里流經鸞鳥平羗腦兒都山下諸山  
之水與會自西水關出又名考來河即大河口也分五壩  
金川源出城北藥葫蘆馬家諸泉縈阡絡陌歷二十里許  
匯入碛中至營盤坡下瓜分之蓋北境之利斯為溥矣  
海子在城北二里注以藥葫蘆等泉之水其色青凝四時  
不改多魚宜戒網罟

雲川城西二十五里即水磨川為衆泉所歸清澄見底雲  
光與之激盪利溉功多

茨湖東北一百三十里烏牛壩水所從出迺下十堡膏液  
永昌縣志

卷一

五

之勝者  
南峪直南五十里石扇雙屹怒濤驚流嘗有神物出其間  
每盛夏暴漲及沍寒冰裂人謂起蛟云

星野攷星經東壁二星主圖書文章春夏金秋冬土一名  
天術蘭涼衛州等分也與晉天文志武威入東壁六度之  
說同永昌去武威一百六十里應為壁星分野其占星明  
則道術興國多君子搖動則興土工

風俗永人負氣好剛不事奔競舊志稱之家無巨富而事  
揮霍達達千金之產吉凶一二舉已盡今不復然蓋饑饉  
疊告困不能支者什之八九矣恒人貴口賤體卒歲無福

而嗜酒肉爨且屢虛母乃愚甚日食半用麥八需四鬴米  
則二鬴已足近因艱食頗易所向知節然後益也居無畫  
棟雕梁間務為大獨不見渠渠之屋邇年半為鄰封與去  
而蓬華無恙耶夫莫重於殖生矧瘠薄之區不比豐沃墜  
其敝而亟反之庶家有蓋藏禮讓行焉邑舊多鄉塾尚絃  
誦比者州試童子寥如豈以歲屢不登未遑此與抑業弓  
矢者象與諸生鮮力學大率惟貧是病嘗聞之先輩曰讀  
書發名成業次亦可資溫飽旨哉斯言環堵中尚歌聲出  
金石乎至若不才子弟冶遊暴殄所賴官警師規而父兄  
之教宜先也

冠禮不行久矣婚古禮有六朱文公所定惟納采納幣親  
迎三節今媒妁既通遂行定即納采也將娶筮吉先期送  
衣飾謂之過禮即納幣厚薄稱其家從無言財親迎不奠  
雁以物弗備耳曩苦宴會流連邇止二三日嫁女匱無過  
盛其返樸之漸乎喪禮初歿招以衣曰復即招魂無行之  
者迺延僧道為開路以速其往大非含殮哭奠如禮成服  
以五日或七日七日朝夕有男女出門外號哭焚紙錢者  
舊志斥為委巷之風宜亟黜之先年富家為弔客散孝無  
論親疎或帽或衫耗財而違禮今已希矣小祥大祥禫制  
均依朱子所定無停柩之習葬地遵程子避五患不惑于

堪輿家言但有隙輒葬或至葬  
為安祭則士大夫家四時忌日  
俗節視文公禮雖未備猶  
不甚遠通行者元旦前一日設  
書儀既夕焚錢黎明陳饌  
奠醴祭墓則寒食加土于塚七  
月十五具羊牲獻瓜果多有搭  
棚設帳竟日乃已十月初一送  
紙衣除日奉年食無貴賤貧富  
一也獨祠堂久闕薦紳當倡修之  
至于歲時儀節有可採者元日  
祀先後家之卑幼以次拜尊長  
凡親識皆拜賀卑幼先至尊長  
將答之則辭已而會飲先族及  
里黨端陽中秋冬至惟紳士拜  
賀及弟子于其先生而已歲農  
功畢村寨間陳牲演劇祭八蜡  
有古風焉惟逢神誕日

永昌縣志

卷一

七

于正社外紛然釀錢割羊以獻  
實則酒食徵逐是宜省也祥異  
書紀嘉禾是稱上瑞在人則孝  
弟力田各勤職業足宣地氣而  
揚天和偶遇乖異凡達理衿耆  
躬先里校弛其豫樂汰其侈靡  
俾咸怵然知戒寧第責之長吏  
已耶

漢建武二十五年蝗

漢安二年自秋九月至十二月地  
凡百八十震山谷崩裂

晉寧元年七月蝗

北魏景明二年十一月辛卯雷七  
發聲

貞元十年十月甘露降

五代晉天福七年四月蝗

明崇禎十一年蝗食禾殆盡

崇禎十三年大無麥禾

國朝康熙二十五年春大雪連月歲大稔

康熙四十八年九月十二日地震如雷

雍正五年大稔

乾隆二十八年無麥餓殍相枕于路

乾隆四十九年十月東郊民園梨杏徧開花

嘉慶十六年饑七月大疫至冬始已

嘉慶十七年大饑

戶口邑舊為軍籍元季明初幾盡于兵革所稱土著十餘

永昌縣志

卷一

八

族而已正統間檄招遠氓各省多挈眷來者他若賈客屯丁及世襲指揮等官率隸焉然其寥落可想見也逮

國朝休養生息于今為盛既庶而議加可不亟哉

康熙六十年戶三千三百七十六口二萬五千八百三十七至雍正十三年戶五千六百八十五口三萬九千八百三十七至乾隆十四年戶七千九百二十五口五萬四千五百五十四至乾隆五十年戶二萬二千八百四十二口十九萬七百二十六至嘉慶十九年戶三萬三千五百六十三口男女大小共二十五萬九百三十八

土田非不廣也亦非盡磽瘠也其水所至而可畊者止什

之六是以一歲之產不足以供一日常借資于鄰壤倘來  
糶者少則支詘矣

原額屯科地五千四百八十四頃六十畝九分五釐除歷  
年冲壓地外實計熟地三千六百八十八頃三十四畝四  
分九釐析為三等上則地一百五十八頃二十八畝七分  
中則地一千七百四十二頃三十一畝一分下則地一千  
七百八十七頃八十一畝六分九釐

賦則夏書紀貢由來舊矣邇年豁減緩徵

皇恩疊沛耕鑿之氓無論歲收豐歉惟正是供既號良百姓  
亦免追呼雖囊橐無餘可樂也

永昌縣志

卷一

九

上則地每畝徵糧五升中則徵三升下則徵一升五合及  
一升三合不等實徵倉斗正糧八千一百四十四石九斗  
五升四合五勺外加無地學水糧三百三十三石七升共  
實徵糧八千四百七十八石二升四合五勺每石加耗一  
斗五升實徵耗羨糧一千二百七十一石七斗三合五勺  
計正耗共實徵糧九千七百四十九石七斗二升八合  
原額應徵七勛正草二十七萬一千九十一束四分一釐  
除冲壓地畝緩徵外實徵草二十萬六千三百五十六束  
二分二釐學水止徵糧無草  
實徵地丁銀一百三十一兩四錢一分五釐內有地租銀

一十二兩實徵耗羨銀一十九兩七錢一分二釐共徵地  
丁正耗銀一百五十一兩一錢二分七釐

雜支廩生二十名共支餽糧七十九石九斗九升二合遇  
閏則加六石六斗六升六合每石藩庫折銀一兩

學租糧三百三十三石七升府學廩貧生分食三十石縣  
學廩貧分三百三石七升餘不悉載

徭役邑衝故差繁東接沙河西抵硤口計程又遙勢不能  
不資民間車馬然以武山承糧數萬石所支之差而今承  
糧八千餘石之永昌肩其任蓋極難矣所有新疆使節本  
省星軺與夫回目往來銀茶輓運以及改遣軍犯等項業

永昌縣志

卷一

十

已疲于奔命此外以情應者復不少焉夫人之情民之力  
也積輕折軸其何能堪且差期尚遠催令夫馬在城守候  
大率一二十日始竣一差其需芻糧幾何其曠農務幾何  
富者尚能勞僱強者亦可爭先獨貧弱之戶有聽胥役發  
遣而已賢令勵精保赤站馬如額派無取盈是以民力尚  
寬邇九年來則不盡然仁人父母知必哀憐而拯恤之  
方產先王辨土地川澤邱陵衍沃原隰之所宜列諸職方  
以經理天下析而一邑寧獨不然永之穀有黍糜大小麥  
豆別號扁黑黃與蕎俱播青稞亦麥屬蚤收而植少以性  
味較下也作酒最宜胡麻取油頗為農商之利蔬之美者

西鄉蘿蔔大可重二十觔食之益人與薯蕷比山產蘆菰  
白色尤美瓜用哈密種出寧遠邊境者佳果具常品木則  
榆楊為多松柏昔徧南谷今稀草推箕笈可為筐席近織  
涼冠亦可戴所謂雖有絲麻不棄菅蒯者耶花稱六月菊  
藥材甚夥惟枸杞大黃多且良鹿茸麝香牛黃間有之羽  
族家皆恒畜在野者鳧雁雉鷺之類毛族多馬羊犏牛任  
重犛牛毛可為纓貨惟毛練東賈販之至地稱金水金山  
名馬而已前孔侯搜採徧巖谷取非所有也抑觀古之君  
子啓蟄不殺方長不折蓋憫其穉宜護其生如是今邑養  
牲之家羔生半月輒刃之而利其皮動以千百數毋乃大  
不仁乎往于金城道上見車來中大呼曰羊子控殺我也  
車止問從行者云渠畜羊西域殺羔無算忽病見羔累累  
踐其身痛不可堪于是歸鄉避之邇益甚不食旦夕已矣  
吁可畏哉



永昌縣志卷之二

建置志

輜軒過都邑輒知吏治之興衰與民力之勤惰其所營構具見也以資保障以莅官察以報功而崇祀要已至于豐積儲備簡閱與夫市肆村落津梁之屬分在公私以時修築毋昔隆而今替毋始闕而今無其斯為樂郊矣乎

城池在金山之陽非漢唐故址也五代地陷吐蕃至宋始復迺築斯城金元因之明洪武二年指揮使張傑重修萬歷二年參將王廷政增廓焉

國朝乾隆二十九年知縣吳憲青詳葺較整嘉慶八年北門

永昌縣志

卷三

一

樓傾并其垣壞知縣孫步蟾修之城圍七里三分高三丈頂濶一丈二尺甃堞二千有奇高三尺四寸門四東曰宣化南曰武勝各三重西曰鎮西北曰安定各二重門樓大小有十各如其門之重數腰角樓各四以備巡邏池深一丈二尺濶二丈二尺東西弔橋各一郭惟南關有之圍二里二分高二丈濶一丈東西門各一明成化八年指揮使高昇築今半圯

聲教樓當城正中萬歷十五年參將李魁指揮僉事趙希雲全建乾隆中重修凝然完固

官署舊衛署在大東街少北以其統領五所故稱大衛元

之藩邸在焉改為

萬壽宮正殿七間東西朝房各三間門三

縣署在東南隅地本衛倉康熙間移建衛署于此雍正初改縣仍之坐東向西南北柵門各一大門三間門內南為倉院中置殿神祠馬神祠驛館在焉北亦倉院囿圍在傍儀門三間祭牘祠位南胥役房附北南北科房各十正堂三間左置隸房右置庫堂後退思廳三間內為官舍廳以北為幕館為客軒軒東偏為射圃為花亭廳南為厨廐之屬乾隆四十九年知縣李登瀛于退廳前置捲棚堂北隅起正位樓嘉慶十六年知縣孔廣枚詳修之捕廳在縣署

永昌縣志

卷二

二

西北乾隆四十一年典史彭啟煥建

協署在南什少西明宏治十三年巡撫周季麟率遊擊趙琰創建萬歷二年參將劉承嗣重修故遊擊署後改參及副仍之坐南向北東西轅門各一中監坊左右為旗臺大門三間儀門稱之東西廊房各五中軍廳在西側大堂五間二堂同內宅大小廳舍悉具其外庫局箭亭更樓無弗備焉

都司署在協署西偏乾隆四十二年建明守備署舊址也千把總舊無署僦舍以居

醫學陰陽學僧會司道紀司均無常所

行署察院附近南門本廣禪寺明洪武間御史胡明善改  
修公宇以憩使節今為關帝廟

布政分司在察院右偏明成化中叅議劉賓建久廢  
今蟾帷駐所在東什少北為明尚書胡宅故址

儒學在東北隅文廟之西明正統中建本教授署明倫堂  
五間南向東西兩間作博文約禮齋大門儀門悉稱乾隆  
三十五年教諭楊官修之內外始整

廟祠文廟在城東北隅元季剝于兵燹明永樂宣德間實  
肇其基成化五年巡撫徐廷璋修之次第葺理者指揮趙  
光遠叅將李秉誠也

永昌縣志

卷三

三

國朝康熙十年教授劉顯謨重修協將達爾護贊成之厥後

遊擊任嵩彌縫其闕乾隆己未以來屢經小補廟南向街  
口牌樓一座曰聖道中天廟門南向牌樓一座東西兩邊  
角門二闔洋池周圍十丈橋亘其上引大北壩水注之橋  
星門五間門內名宦忠孝祠在東鄉賢義士祠在西戟門  
三間東西廡各七間神厨在東廡旁神庫在西廡旁正殿  
五間配哲如制廟外西側為節婦祠

崇聖祠在正殿東北祠後為經閣閣左為敬一亭閣右

亭立卧碑

文昌宮在文廟東偏

魁星樓在文昌宮後初建無攷明萬歷十八年補葺嘉慶十六年闔邑紳耆士庶捐貲重修有記

關帝廟在東南隅洪武中建萬歷四十一年李登瀛

重修南向大門三間東西角門各一樂樓三間鐘鼓樓各

一大殿五間抱厦三間兩廡各五間後殿三間

城隍廟在西南隅南向東西角門二中豎牌樓一座樂樓

三間過亭設儀衛正殿三間抱厦如之兩廊列諸冥報狀

殿後退亭寢殿具備建自明洪武二十年後來節經修理

敞麗有加行宮在北門外

東嶽廟在南關

永昌縣志

卷二

四

西嶽廟在北大街

火神廟在南門東偏

馬神廟在南門西偏

龍神祠舊在大經巷乾隆四十七年知縣李登瀛移置財

神閣西偏竝供雪神像禱雨雪恒于此

土神祠在大衛邑人以仲春二日報賽八蜡附焉

藥王宮在西南隅其後為文昌閣嘉慶十六年重修

三皇廟在南關

三官廟西大街及東西南關皆有

城東二里有振武將軍孫公思克祠城西二里為川陝制

軍殷公祠

八司徒胡公執禮堂議與興文社並建

壇壇社稷壇在城西二里建自明洪武指揮傅

風雲雷雨山川城隍合壇在城南一里亦明張

先農壇在城東二里雍正五年建四面圍以墻墻外植木

中有正房配房其前為耜田

厲壇在北門外城隍行宮之側

倉廩本城南北倉院共廩八十間永寧堡廩十間水泉堡

廩二十間草廩舊在城內東北隅以地卑濕移南門外

驛塘永有兩驛一在本城南倉院東通沙河西通水泉一

永昌縣志

卷二

五

在水泉堡東通本城西通硤口每驛原設馬三十二匹夫

二十名自新疆開闢兩驛各置馬六十匹夫三十四名本

城遞運所牛九頭車九輛水泉所如之各附本驛以備輓

運塘有三本城崇岡堡水泉堡各設馬十二匹夫六名奏

摺部檄由之以達

演武場在城外東北里許嘉慶十四年移置其左較為坦

濶其在城內東南隅者日常校閱處也

雲川書院乾隆二十七年知縣郭昌泰倡建南向大門三

間儀門稱是明經堂五間鐸函忠孝廉節四大字碑知縣

白鍾麟書也正廳五間內外東西齋共十六間膳夫門役

住舍具馬廳北菜圃一區可二十畝直抵城垣佃種收租以銀二千兩分給典商生息供師生束脩膏火乾隆四十九年知縣李登瀛採得閒田招民佈種納租于倉供書院不時之需

**義學**邑鄉凡七在文廟街者一清溪永安高古新城寧遠各一皆舊置其一在城中南隅乾隆四十九年知縣李登瀛建

**粥廠**在小北街署知縣楊毓錦建

**養濟院**在大衛西偏

**寺觀**城中東北曰通天觀即玉皇廟也肇自元初明正統

永昌縣志

卷二

六

四年都指揮使宋忠復建萬歷中邑紳胡大年廓之皆有碑記乾隆五十九年重修東門迤左曰大覺寺中為佛傍供油神鄉邑開榛者咸祈福于此北門前曰金牛寺西門以左距百數十武曰千佛寺右數武曰彌陀寺二刹小而幽可為士人藏息之地永壽寺在西南隅準提寺近南什永福寺近東什此其城以內者

城外北二里許曰金川寺俗稱大寺唐時敕建為永第一禪林僧慧妙不時募貲修理前後鑿池引水種松柏諸樹今已蔚然深秀後院觀河樓面山環渠足稱幽絕寺東偏水雲觀在焉有亭可以坐翫前為觀音臺起綠潭中又前

為臺馱堂以橋通之頗清矣宜人乘輅過者多來此自是少東為魁星樓樓側浮圖與在金川寺者若雙峯對峙迤南酒僊等閣憑嶂而立雷臺火神宮鱗次相接其地周遭止五六里高下布置據一邑之勝南關有觀音寺遠則接引寺在縣東三十五里古佛寺在縣東二十五里聖容寺即後大寺在北二十五里寺前後皆山門外一灣流水泠然可愛西南三十里曰靈應寺南五十里曰沙溝寺番僧所居其附見于山川者不贅

市鎮商鮮居積計全境所有不過通都數大賈耳城以外惟新城水泉寧遠有市餘無足道

永昌縣志

卷二

七

堡寨在縣東者二十里曰真景堡往昔屋宇相聯今則晨星落落矣三十里曰通津堡又十里曰宣德堡又十里曰樂豐堡至六十里曰清溪堡為襜帷暫駐之所多逆旅亦有小貿六十五里曰九壩堡抵武威界東南四壩寨距縣三十里朱黃寨五壩寨均三十五里永安堡五十里直南三十里曰永豐堡隸金龍壩在西南者有四者來寨二十里塔兒灣堡三十五里屯興堡六十里新城堡七十里有營汎賈販較多附居回民五十餘戶在西者六雲川堡二十里劉可莊三十五里凡鄉居皆稱莊此則非一家者北古城堡趙興莊均三十五里姚家寨六十里高古城堡七

十里置營所居兵多民少在西北者六陳家寨十里崇岡  
堡三十里毛卜喇堡三十五里伏羌侯置他姓間處其中  
金川堡四十里王秀堡五十里水泉堡六十里有營有倉  
有驛市肆亦繁北則河西堡河東堡宗家寨皆距縣四十  
里寧遠堡七十里營多商東北則崔家寨三十五里宇  
保堡四十里青山堡六十里所稱下十堡者俱在縣之東  
北距一百十五里曰杜家寨百二十里曰永寧堡有兵把  
總領之有倉百二十五里曰梅家寨百三十里曰湯呂堡  
百四十里曰朱王堡陳倉堡官家堡百五十里曰東新堡  
百六十里曰董家堡鄭家堡

永昌縣志

卷二

八

橋梁到處有之但用水無甃以石者村塾間水涸始成惟  
征途所需則恒而固

坊表天衢首步坊為舉人嚴明立今廢

志存報國坊為尚書胡執禮立舊在宅前今移置又有蚤  
歲登瀛黃甲開先及其子有年世科坊皆廢

三邊掛印坊為總兵郭琥立今廢

西雍保障坊為指揮僉事王守中立

世沐天寵坊為舉人沈再思立

望重南宮坊為進士王懋學立

老成獨步坊為進士王統芬立今廢



金水毓靈坊為舉人謝弼翰立

綸揚順德坊為孝子張紹訓立

誼重賢書坊為舉人方毓倫立

恩褒婦德坊為貢生魚溫妻李氏立

志貞金石坊為監生杜含葦妻曹氏立

天培苦節坊為童生方鏗妻張氏立

貞節坊多在鄉堡不具載

古蹟鸞鳥縣城漢武元鼎六年築縣西南百二十里上房寨是其遺址舊志引寰宇記云前涼張軌時昌松縣有五色鳥因築鸞鳥城以美之按永在晉時為顯美縣非昌松

永昌縣志

卷二

九

也

金呂山城晉武帝咸寧六年馬隆既破樹機能依金呂山築城以防舊志謂在毛卜喇是也蓋永之北峙統名金山其近毛卜喇者人呼金玉山玉與呂音相近耳

馬支縣城晉懷帝永嘉五年依馬支山置縣縣如山名今西南高古城距馬支山不遠殆晉城之故址也

大斗軍唐志開元十六年于涼州西二百里置大斗軍因大斗拔谷為名舊志指為縣西四十里之塔兒灣以道里形勢較之甚確天寶六年哥舒翰為大斗軍副使吐蕃遁跡少陵贈翰詩有天山早挂弓句時杜居秦州故悉其事

如此

永昌王宮殿原址在幹耳朵古城今之黃城灘是也其南距一舍有避暑宮土壘壘猶可識邑城中大衛又有邸基蓋自初封已來歷年多宜其頻建但未知孰為先後至武威西北三十里之永昌府其行宮也

南北古城在縣西南三十里二城相望破古城在縣東北百二十里近昌寧湖按元明之時防寇屯耕率多築垣以居後來概名為古城云

祁忠勇公孤軍戰勝處在城東三里許有碑記

高昌王墓在縣北二十五里聖容寺傍元延佑間葬至元

永昌縣志

卷二

十

聞其子御史大夫帖睦兒普化來上塚奉敕豎世勲碑今亡

永昌王墓在縣東南百二十里墓西側有二塚俗呼娘娘墳其妃墓也當在元之季世兵興道梗故未遷歸

伏羌侯毛忠墓在縣南三十里地名保保溝

戶部尚書胡執禮墓在縣南四里

總鎮郭琬墓在縣北二十五里土呼郭家墓坑

總鎮馬爾值墓在縣北五里

提督楊時墓在縣南七里下廊廟灣

衛守徐名顯墓在北門外城隍行宮之西係大興人康熙

中卒于官遺囑葬此間其後有興者  
論曰營建自公道在勞而不怨厥訓章矣私則度力圖成  
始人情乎若夫私而公者堡寨以聯其居恒坐視頽垣而  
佛刹仙宮靡不醵金以助是亦胡可廢然過事莊嚴或增  
設之則所耗多矣至主者樂善而間為已謀何也

永昌縣志卷三  
十一

永昌縣志卷之三

水利志

永盡水畊非溉不殖而斬于水故田多蕪夫田之需水猶人之于飲勿渴焉已而永之田宜頻水故愈恣不足不足則常不均勢固然也治之以勤其疏導時其挹注去其兼併雖渠非鄭白亦可決之為雨而致屢豐迺若碾運磴旋借紆民力特利之小者耳

山水水出于山必大蓄深則發自盛也有謂其質寒其力彊急趨陡瀉最礙于苗且以塵滓中含稠黏枝葉不如泉水之滋潤而清和此說固然要亦視水性土氣何如耳永永昌縣志 卷三

之水去山恒遠道長而行紆故不甚濁苗方出沐望之一色青葱與泉陌同又見豐稔之歲水常噴薄溷溷然汗泥所屆反若足以肥其田者白渠之歌曰涇水一石其泥五斗以糞以既長我稼豈虛語哉厥流有二一為轉澗口一為大河口

轉澗口之水入東南境柘九壩三溝曰頭壩一名金龍壩地高水下穴石通之源適流暢厥稱膏沃自是而下地勢漸夷各壩排列如鴈翅然曰二壩地廣糧多故其水甲于凡壩分支截灌亦眈他壩為多曰三壩壩口較仰而去田猶近故其流易達此下為四壩五壩六壩七壩八壩則道

漸遠水漸縮而賦亦漸輕矣九壩迺其末流尾分九畦東抵武威沙河界北通下堡地非陜而水常不及也河南三溝龍口在三四壩之間循山而往至河之南均分以灌亦名河南壩

大河口之水入西南境分五壩一溝曰西頭壩其上游坦適下則緣山而高曰西二壩已下平行曰西河西壩之三壩者水道各出大率循河之北其在河以南者曰西河南壩曰流通壩去龍口較近壩則高而仰地又南矣凡冠以西者名他見故以別之毛家莊自為一溝尤在流通壩之南距十里許

永昌縣志

卷三

二

泉水泉出地中星溢杯泛固難伯仲山流然山止二源而泉則疊見經灌之地奇零袤延長可百數十里利孔多矣計其所獲由山水者間歲不同泉則無甚贏縮若以十年通較之要亦相等

泉自西南紆折而達于東南者有三曰南亂泉曰龍王廟泉曰塔兒灣泉南亂泉在北古城南為大北壩所從出流長二十里其尾縈繞南郭凡城中園人灌蔬穴墻引之及修築塗泥之用皆其餘澤也龍王廟泉為中壩之源如站家牌二溝是其壩分出者塔兒灣泉則南壩源也南仰溝附于南壩實則自有小泉灌止十餘家而已

泉在東南者一出者撒山灌者來壩

泉出西北由雲川東下者有三曰北亂泉曰西煖泉曰紅廟兒大泉北亂泉出北古城之北其流為上北山壩西煖泉即西煖泉壩之所自也是二處田止一綫水稱之紅廟兒大泉發源較濶一為下北山壩一為小北壩

在西北者二後大寺泉蕭家灣賴之毛卜喇泉灌其堡之

#### 四圖

金川破廼東北泉水蒼萃處東水泉之水流入破口灌數莊即已其大源由城北海子上下諸泉濫觴而出齊赴河灘分東西兩口而溉是為金川壩其經流入破中長趨北

永昌縣志

卷三

三

下列壩為四曰河西壩曰上河東壩曰下河東壩曰寧遠壩之四壩者蚤播先熟產麥最良與下十堡同稱沃壤非水之異殆地氣差煖故爾

黃家泉亦在東北僅數家之利

東北之遠境曰下十堡杜家寨據其上游轉澗殘瀆自八九壩而下為其所資又自有泉助之在永壩中水之山泉互用者獨此

烏牛壩源出茨湖墩是其水之大者輪灌五堡一寨之田曰東新堡董家堡鄭家堡朱王堡湯呂堡梅家寨其中煖泉一溝自壩分出

小沙壩亦茨湖之水自烏牛壩分出灌陳倉堡梅起溝二處田畝

清河壩即五顆樹渠源出白煙墩永寧宮家兩堡分灌上煖泉花家溝房家溝源歧而流縮附戶亦稀殆古所謂十夫為溝者

**釋名**水殊其派溯所從來山泉二者而已總滙曰河瓜分處曰龍口水之所分大曰壩小則曰溝此溝與在田者異或自河分出如前列河南三溝毛家莊溝是也或自壩分出如站家等溝是也蓋由戶疇壤僻故割據涓微于壩為附庸焉又或據一泉之利沾溉十餘家如南仰溝者是至永昌縣志

卷三

四

于田間之溝有數家同用者有一家獨用者他若末流星散曰畦惟九壩有之置木為限曰閘口記成額以昭遵守曰牌析壩曰分牌有上中下之別下牌道遠加羨曰潤壩刻滿閉水曰退壩每歲白露前後泡來年麥地曰澆秋水其泡間年歇地至立冬乃已曰澆冬水清明前後泡植雜禾曰澆春水浸苗曰頭二三水重其始也資上流洩餘則曰接尾水流細合灌則曰併水名緣地異書之可以觀焉

**工作**從來治水在于導源而今所尤宜亟者有二一曰築壩壩以貯水利用固不固則決要其來也有漸罅隙之微弗加彌縫寢以大壞迺遂圻裂奔潰而不可止至是修之

不已晚乎大凡興築廣濶則難為功局隘則易為力我永各據其壩眎寧渠涇渠不過百之一二最為易就而通常敝者意其咎在遠居呼難遽應豈知末流之戶水小而行紆每先期集夫載料以往而附近者反束手不前彼殆以上流利灌乾涸無虞實則借他人之勤劬冀成功之坐享其究也苟且補苴條至堙廢彼此均罹其害是詎為計之得者繼自今縱弗克釀費鳩工石甃木練為一勞永逸之計即尋常樹枝草捆齊力一心及時培植尚不至棄膏液于無何有之鄉豈不善哉一曰疏溝溝以行水利用通通則受水多流且易達無患土蝕沙浸或值暴漲不難洩之

使去弗為禾憂此在我可自主者即屬公溝亦止三五家便于邀約去其澱塞平其坎窞顧可緩諸且水與土相麗治水尤宜治田永田屬泉水者較沃而陘屬山水者恒瘠而寬其在有力之家耕深糞足雖磽亦肥利在多種每見力薄者穀種連阡土化靡逮而禾間有纍其塊復聚其窪以此仰祈明昭來牟是貽獨不思無與為受安所為施務廣而荒何如少而精者之可望有秋乎至于地多水少固常患其不足然值恒雨積潦失之過者亦間有矣余非老農頗習其理因併及之



稱古處哉顧時會變遷其常合者亦僅矣有析上下兩牌者有劃為上中下三牌且未已者此灌規所由日起而加詳也夫按地承糧按糧攤水誠萬世不易之道至于灌從下起下閉則上開上閉則下開亦屬所至皆然迺若兩牌上下或逐日齊灌判其盈絀繫以尺寸或按日輪灌序其先後限之晷刻而其一牌也大略如之但兩牌之間下牌路遠則潤其壩一牌之內下溝路近不潤其溝又如上壩上牌上溝灌餘之水聽其下毗連者資之為用與非分侵越者不同蓋自有明招民受地以來迄今數百年之久隨時損益經常之則蔑以復加于茲由舊無愆紛更則弊

若夫亢旱流縮引注維艱或以兩壩之水併為一壩或以上下牌之水併為一牌又或以數家之水併為一溝亦權宜所不可少者而灌之為法具于是矣

董事治水無專官統歸縣令然日親簿書未遑徧履親勘于是農官鄉老總甲協同為助以息事而寧人其有豪右逞強奸民侵掠及凡爭鬪不能平者則白諸縣以治之論曰水者田之血脈農之命源也顧不重哉然凡物豐嗇定于天惟順是受而水可知矣彼恃彊攘利者以升斗之波乖義害名業已得不償失甚或借端影射志在鯨吞至于支離蔓衍累年不能解卒之屬其主徒以謬敗而糜

費滋多何為者耶循分自安毋凌毋暴庶乎古同井之風  
與

永昌縣志

卷三

七

永昌縣志卷之四

兵防志

兵曷為防防邊耳承平已來邊之靖也久矣然設險守國  
佐以修武安不忘危也永之外境南達湟中北迤沙漠實  
滋他族故營汛之設大小相維遠邇相應凡固封守備不  
虞者務察其宜而豫為之所夫乃民可安堵也惟當事其  
慎念之

營制涼州一鎮屏翰金城莊浪協于東為湟中之鎖鑰永  
昌協于西尤甘肅之咽喉地較扼要故建置者彌備長設  
副將領營十四其兼轄在鄰壤者八張義靖邊黑松安遠

永昌縣志

卷四

一

古浪大靖土門鎮番是也其在界以內者六本城營中軍  
都司掌之左右哨千總一把總三經制額此外委各四衛  
內捍外汎接諸營迺全境一大關鍵正西七十里曰高古  
營舊設遊擊今改為千總一經制外委一西南七十里曰  
新城營都司一把總一經制外委一西北六十里曰水泉  
營守備一經制額此外委各一三營相接勢若常山率然  
控蔽羗虜翅不能越由是城西三面之防固矣至寧遠營  
在正北七十里界連蒙古最易生釁且每歲夏秋間昌寧  
湖諸處回族牧駝者甚夥盜匪常雜處其間賴有守備及  
經制外委彈壓而稽察之故附近居民得無剽掠患永寧

營在東北一百二十里毗連去... 置把總沿邊巡  
瞭與寧遠作遙應由是城東兩面之防亦固矣惟東南石  
腦兒黑溝口等處屬在遐僻尚乏專員然與武威之炭山  
堡西把截營唇齒相依有事可依以為援常時選撥健丁  
練卒留心偵禦所謂有備無患豈必添設營汛哉

關隘深溝峻嶺謂之關隘易所謂地險也險能禦寇亦易  
藏奸故隄防宜亟以水之形勢論之自東而西坦平一線  
其東南正南西南三面層巒疊嶂可稱鐵甕銅垣東北正  
北西北三面長邊環亘加以山谷雜遝蓋無在非險也試  
言其尤要者本城營所轄正南諸山口衝汛有七唐家沙

永昌縣志

卷四

二

溝距營七十里蟬頭阿博距營百里黃城灘距營百二十  
里威遠墩距營百三十里四處前抵大通左達永安石佛  
崖距營百四十里江陵口距營百七十里二處直南接大  
通東北連炭山堡一顆樹距營百八十里緊接大通河界  
正北邊外衝汛亦有七孫家井距營四十里車路溝鹿泉  
土達坂三岔口距營百里草達坂石昌口距營百二十里  
俱通昌寧湖至高古營西南則有百一十里之鸞鳥口百  
二十里之五龍五池口界連西寧大通新城營正南百里  
則有酸茨河百二十里有腦兒都口而平羗一口去堡百  
二十里羗番雜處與湟中羗族巢穴相通尤要隘也故與

高古營共防之水泉營西二十五里接山丹硤口營界南  
十里接高古營界東二十里接本城營界固可恃以無恐  
而亦有要口所必不容忽者迤北邊外距營二十里曰韭  
菜口西山口三十里曰盤道山七十里曰紅井腰峴百里  
曰大白箕笈口百二十里曰小白箕笈口其百八十里曰  
石昌口尤蒙古往來門戶本城營既撥兵巡哨而水泉與  
寧遠亦同守焉寧遠營要汛自石昌口而外西北百七十  
里為阿木撒百九十里為榆樹溝二百八十里為蘆溝套  
三百五十里為白鹽池均繫蒙古駐牧處所北通賀蘭一  
帶是又宜勤探而密防也永寧堡之境外沿邊險口凡四  
永昌縣志 卷四 三

處一單子山口在堡北五十里一破山口一齊頭山口在  
北七十里一紅崖山口在北八十里諸山之內時有蒙古  
插帳必嚴糾之庶可無害各營關隘具此矣查隘口所在  
皆樹墩以置兵或二人或五人多至十人而止誠以隘多  
兵少非增兵無由廣設也然諸口川接此處有警則彼處  
起而應之由散得聚雖寡亦衆惟選擇精銳勿使闕冗者  
溷其間斯為完策耳

諸營兵馬糧餉軍械烽墩

本城營原額馬步守兵八百名內戰兵三百名步戰兵  
二百名守兵三百名屢經裁移現存五百一十六名內馬

戰兵一百二十四名馬匹如兵之數步戰兵一百八十七名守兵二百五名馬兵每年餉銀十六兩糧八石步兵每年餉銀十二兩糧六石守兵每年餉銀八兩糧四石每馬一匹每年料五石四斗草三百六十束糧餉料草額數他營皆同庫貯盈甲鎗砲刀矛籐牌之屬皆如額至金鼓旂幟弓矢帳房罐鍋鉛藥等項俱隨時製用

烽墩五十五處在東大路者十有三東五里墩十里舖墩十五里墩二十里真景寨墩二十五里真景腰墩三十里舖墩三十五里五壩腰墩四十里宣德舖墩四十五里宣德腰墩五十里樂豐舖墩五十五里孫家腰墩六十里清永昌縣志

溪堡墩六十五里九壩腰墩接炭山營界在西大路者有七西五里墩十里舖墩十五里墩二十里水磨關墩二十五里紅廟兒墩三十里崇岡堡墩三十五里橋兒墩正南則廊廟兒墩距城五里徐家莊墩照面山墩各距城二十里計三處東南則甘溝口墩距城二十里轉澗口墩三壩口墩各距城三十里永安堡墩尖山兒墩距四十里石門子墩寺兒溝墩起龍溝墩五十里狼洞口墩石頭溝墩小口子墩六十里流水溝墩西達坂墩東達坂墩七十里石腦兒墩黑石溝墩九十里計十六處西南則者撒口墩距城二十里橫梁山墩二十五里罩子山墩三十里趙定莊

墩四十里滾石溝墩亦四十里接新城營界計五處迤北沿邊有十一處石頭溝墩老鶴窩墩蕭家灣墩石坡墩均距城二十里香鑪溝墩紅羊胃墩老鶴塔墩各距城三十里上閘門墩下閘門墩青紅腰墩距城四十里楊家腰墩亦距城四十里接水泉營界

高古營原額馬步守兵四百名內馬戰兵一百五十名步戰兵一百名守兵一百五十名除裁移實存一百九十九名內馬戰兵四十名馬匹數如之步戰兵四十名守兵一百十九名庫貯軍械一切足額

烽墩二十五處營東有四牛家溝墩距五里姚家寨墩十里  
永昌縣志

卷四

五

里黃蟲廟墩二十里甘家阿博墩三十里接本城營界營西有四黑土窰墩距十里九條嶺墩新添墩各距二十里大裁博墩三十里接大馬營界大柳墩營南十里紅山嘴墩營北十里東北二處壓腰山墩距十五里馬鞍山墩距二十里營之西北十五里煖泉墩二十里十三盤墩三十里石城茄連墩大口子墩五十里香溝腦墩凡六處營西南十里羅家墩三十里寒鴉口墩六十里孤山灘墩九十里中馬路墩凡四處在南山口者有三大河口墩三十里插箭達坂墩五十里雙古城破墩七十里通永安營界  
新城營原額馬守兵一百六十名內馬戰兵五十名守兵

一百一十名除裁移實存一百八名內馬戰兵二十四名馬稱之守兵八十四名器械如額在庫

烽墩十有三營東五里墩十里墩十五里墩營西二十里大河口墩南十里馬營口墩東南沿山有三處石頭溝墩十里站廟兒墩二十里小松山墩三十里西南沿山有五處蘆草溝墩二十里西達坂墩五十里西石門墩七十里擺馬渡墩八十里酸茨河墩一百里接大通河界

水泉營原額馬守兵一百三十八名內馬戰兵四十名守兵九十八名除裁移實存一百二十五名內馬戰兵四十一名馬如之守兵八十四名器械足額

烽墩二十有二五里墩十里王秀鋪墩十五里空心墩二十里金川鋪墩抵本城營界四處在東大路五里墩十里石嘴兒墩十五里石磊兒墩二十里平源鋪墩二十五里古城窰墩抵硤口營界五處在西大路南五里安峪墩十里俞家嘴墩二十里新添墩二十五里中路石墩截達坂墩三十里胎連達坂墩接高古營界凡六東北五里西土墩北泉墩中閻門墩十里長山嶺墩十二里趙他什墩十五里中泉墩二十里宋家墩抵本城營界凡七  
寧遠營原額馬守兵一百三十五名內馬戰兵四十名守兵九十五名除裁移實存九十四名內馬戰兵十九名馬



如數守兵七十五名器械具備

烽墩二十九處東北有二趙家莊墩距營十里矮蘆泉墩距營十五里在西北後口者十處架砲嘴墩距營十里新莊墩高崖墩二十里高寺兒墩三十里黃毛溝墩五十里紅寺兒墩六十里安遠墩七十里昌寧墩九十里黑水墩一百里寺兒溝墩百二十里抵鎮番營界東南沿邊十有三處中關門墩河槽墩各距營二十里蔣家腰墩花塞子墩各二十五里蔣家莊墩王家口墩三十里大沙溝墩西榨子墩三十五里范家莊墩古溝口墩四十五里狼洞口墩五十里石嘴子墩五十五里童六莊墩五十八里抵永

永昌縣志

卷四

七

寧營界在中路者有四石灰窰墩距營五里茨口子墩十里馬營墩十五里大尖山墩二十里永寧營原額守兵四十八名除裁移實存三十六名軍器如數

烽墩二十二處東北沿邊者六曰明沙窩墩距營二十里三個泉墩三十里狼跑泉墩四十里喇叭泉墩五十里黑岡墩六十里獾猪墩七十里抵蔡旗營界西北沿邊者六曰高崖墩十五里紅山墩二十里天池墩三十里葦蘆泉墩四十里臭馬池墩五十里狼洞口墩六十里接寧遠營界邊外舊汛十處半截墩二十里硝池墩九十里鍋底泉

墩鹽池墩平泉墩各距一百里雙明沙墩百二十里梧桐墩火燒灘墩乾海子墩各距一百四十里水池墩一百五十里

論曰相地置營按營設兵

國家所以綏靖我邊疆者至矣顧營之虛實視乎兵之強弱要其本不在兵而在治兵者責兼分治而道嚴主治匪第勤于訓練也忠以生勇則衆志成城雖倉猝可恃焉寧孤軍以決戰毋高卧以貽殃如後志所列祁西平與劉紹宗良可鑒戒又思民賴兵衛而悍者亦時為民擾馭之有道則相安矣南北外境馬牛盜逞逞盤踞為藪患在徑無阻

永昌縣志

卷四

八

耳出入皆汎地此亦邊所務防者哉

永昌縣志卷之五

官師志

傳舍一時流風千載昔之循良至今存矣豈惟名哉愷悌君子造福于民實亦自造其福于是為吾邑望更為賢司牧視也若夫干城攸寄其與于民者事雖較簡而細柳長垂猶甘棠勿翦伐焉依序備列間得其行蹟著于篇

藩封

元高昌王名紐林的斤其先畏吾而之地一夕有天光降于樹樹生癭若人妊身然越九月又十日而癭裂得嬰兒五收養之其最穉者曰兀單卜古可罕既壯遂能有其民

永昌縣志卷之五

一

人土田而為之長傳四十餘君凡五百二十載是為阿力秘畢立哥亦都護可汗亦都護者其國主號也數與唐人攻戰久之乃議和親厥後唐使與相地者壞其福山自是國多災異遷居交州交州今高昌國北至阿水河南接酒泉東通朮敦石哈兒西臨西番凡居是者百七十餘載而元興是時阿兒的亦都護在位舉國入朝屢立戰功至其孫火赤哈兒的斤死于北軍子紐林的斤方幼詣闕請兵北征以復父讐上壯其志錫金幣鉅萬妻以公主曰不魯罕太宗之孫女也主薨又尚其妹曰八卜义公主有旨師中河与與北征大軍齊發遂留永昌馬公 番脫思麻作

亂詔以榮祿大夫平章政事吐蕃宣慰使領奉部探馬等  
軍鎮吐蕃威德信明賊因斂跡其民亦安武宗召還嗣為  
亦都護賜之金印後署其部押西護司之官仁宗始稽故  
實封為高昌王別以金印賜之設王傳之官王印行諸內  
郡亦都護之印則行諸畏吾而之境八卜又公主薨尚公  
主曰兀刺真阿難答安西王之女也領兵火州復立畏吾  
而城池延祐五年十一月二十一日薨子二人長曰帖睦  
兒普化以資善大夫出為鞏昌等處都總帥達魯花赤奔  
父喪于永昌天歷二年正月拜中書左丞相十月拜御史  
大夫上曰昔其父葬永昌大夫往上冢其伐石樹碑而命  
永昌縣志

卷五

二

國史著文而刻焉時虞集受詔為之記按自封王後既復  
畏吾而城池嘗仍還永昌鎮內郡故終于此

永昌王元世祖至元十五年以永昌王宮殿所在置永昌  
路立永昌王蓋前已封王作鎮至此始專建之終元之世  
相承焉名未具詳惟史稱阿只吉居永昌兼領山丹路可  
攻也

鎮守

魏張既字德容馮翊高陵人也黃初中涼州盧水胡反上  
以既為刺史遣往伐之抵金城渡河賊七千餘騎逆拒軍  
于鷓陰口既揚聲軍由鷓陰乃潛由且次出至武威胡以

為神引還顯美既勞賜將士欲進擊胡諸將皆曰士卒疲  
倦虜衆氣銳難與爭鋒既曰一日縱敵患在數世遂前軍  
顯美胡騎數千因大風欲放火燒營將士皆恐既夜藏精  
卒三千人為伏命叅軍成功英督千餘騎挑戰勅使佯退  
胡果爭奔之因發伏截其後首尾進擊大破之由是河西  
平上甚悅語曰卿踰河歷險以勞擊逸以寡勝衆永寧河  
右使吾無西顧憂矣封西鄉侯祀名宦

**晉馬隆**字孝興東平平陸人武帝咸寧中樹機能陷涼州  
音問斷絕帝臨朝嘆曰誰能為我討此虜通涼州者隆欲  
往許之即命為武威太守隆親募勇士三千五百人至武

永昌縣志

卷五

三

庫選得精仗帝給三年軍資遂西渡溫水虜甚衆乘險設  
伏遏截隆之前後隆且戰且行竒謀間發弓矢所及應弦  
而倒轉戰踰千里殺傷及降附者以萬數虜既平依顯美  
之金呂山築城以防今毛卜喇即其處也祀名宦

孟褊安帝時鎮守顯美元興元年南涼攻顯美克之褊被  
執義不肯降遂遇害祀名宦

**唐哥舒翰**其先蓋突騎施酋長哥舒部之裔世居安西翰  
能讀春秋漢書通大義疏財多施予故士歸心天寶六年  
為大斗軍副使吐蕃盜邊與翰遇苦拔海吐蕃枝其軍為  
三行從山差池下翰持半段槍連擊所向輒披名蓋軍

中權隴右節度副使尋進涼國公後封西平郡王祀名宦  
明宋忠順天人都指揮使正統間鎮永多營造績攷修佑  
聖觀碑稱其修明武備邊塵不驚兵嬉于營民歌于野設  
施具可見矣祀名宦

徐廷璋河南人甘肅巡撫成化初駐節于茲招集各省民  
戶為之授宅分田經畫屯政董修學宮及公宇所亟需者  
周季麟甘肅巡撫宏治中永北界不靖督軍防禦之賴以  
救寧

### 秩官

明置指揮曰使曰同知曰僉事秩雖有差其得領衛事司

永昌縣志

卷五

四

民社則一也故悉書之以冠諸首千百戶為所屬列其尤  
著者儒學置教授外有經歷司獄知事殆衛制然與抑邑  
方新造備委用與至管屯及倉廠大使各一員以時方屯  
田故也名皆逸而存其目見今昔官制之不同云

### 指揮使

李庸順天人洪武二十五年任

馬駿河南原武人永樂八年任撫兵恤民境內寧謐

高昇成化年任

鄔佐字輔臣元伯顏不花的金為山東廉訪司死節信州  
謚曰仁武明太祖求得其子卜花于軍中賜姓鄔授約州

正千戶遂家于薊成化十九年佐以戰功擢永昌衛指揮使正德中禦流賊于涼之河東堡死焉其子孫世襲指揮僉事迄于明末

張邦政江南上元人嘉靖年任

王守中河南寧陵人儀度雋雅弱冠以指揮使秉衛篆盡心于民俸餘弗自封殖相邑所闕多補苴之由是上官倚重委修北界邊城均平夫役民雖勤不怨擢軍政僉書贈懷遠將軍祀名宦

喻大江僉事禮孫萬歷二十二年以功陞

張奇才邦政子萬歷二十六年勦扒沙建功進行都司僉

永昌縣志

卷五

五

書尋陞大靖叅將

周欽萬歷二十八年任屢戰克捷官至寧夏副將

趙時正順天香河人萬歷三十年任以戰功陞至洪水營遊擊

宋國臣順天人僉事忠孫萬歷三十一年以功陞

呂渭河南閩鄉人萬歷三十四年掌本衛軍政勤敏稱職擢安遠遊擊

呂可尚河南閩鄉人萬歷三十五年任

史尚信江南金山人萬歷三十七年任

高科江南徐州人萬歷三十九年任

吳秉公江南江陰人萬歷四十年任

趙之翰揮僉丞兒只子宏治年任

指揮同知

曹惠江南興化人宏治年任

孫重光鞏昌安定人萬歷二十二年任

文國珍江南合肥人萬歷二十四年任

張君恩襄陽人以百戶征黃台吉陞本衛指揮同知加陞

洪水遊擊萬歷二十七年任

彭友仁湖廣龍陽人萬歷三十年任

劉桓長安人萬歷三十三年任綜理倉屯廉平公恪民皆

永昌縣志

卷五

六

德之力能舉千觔工用刀虜見輒呼曰大刀劉將軍來矣  
羣棄甲而遁尋遷高臺遊擊以促于年未獲竟所施祀名  
宦

趙光遠順天香河人萬歷三十六年任其五世祖珍為衛  
左所千戶勤勞壁壘間授僉事祖若父相繼死于戰萬歷  
間進襲指揮同知公固武家而性耽經史為政先文教重  
修學宮規模式廓倡纂邑志今萬歷以前事歷錄然存者  
皆其力也祀名宦

張世忠順天武清人萬歷四十年任征大靖有功遞陞至  
肅州遊擊



指揮僉事

張傑張掖人洪武中衛治方草創傑為僉事果毅多才修城池營官廨既崇且固時又流亡新集田畝廬舍諸需籌畫經始之功于是為大祀名宦

喻禮江南合肥人永樂八年任勇敢有為號稱能吏

南才順天香河人原世襲金台衛指揮僉事正統七年改調永昌

朶兒只賜姓趙脫脫卜花孫正統九年任

南正才子宏治元年任

呂憲河南閩鄉人萬歷八年任多立軍功陞至黑松遊擊

永昌縣志

卷五

七

南錦正子正德十一年任

趙希雲順天香河人善騎射吏治尤嫻萬歷元年掌衛印不苛不擾旋以軍功擢涼鎮遊擊遷湟中叅將海虜入寇統兵往討自辰至酉血戰十二陣斬首數百力盡死之蒙恩優卹晉階二等祀名宦

鄔朝冠順天薊州人佐孫萬歷七年任

南鳳鳴錦子萬歷十八年任

鄔鳴臯朝冠子萬歷二十年任

何堯年江南盱眙人萬歷二十二年任

王應期河南寧陵人萬歷二十四年任

張有光浙江上虞人萬歷二十六年任

閔世榮山東濟南府人萬歷二十七年任

張維垣順天武清人萬歷三十年任

王庭雲江南合肥人萬歷三十一年任

郭朝勳福建歐寧人萬歷三十三年任

王嘉棟江南金山人萬歷三十四年任

劉茂功長安人萬歷三十六年任

孫鳴禮江南定遠人萬歷三十七年任

南魁鳳鳴子萬歷三十八年襲職兩掌衛印與同知趙光

遠創修衛志板藏于家天啟四年二月北虜犯克兔紅山

永昌縣志

卷五

八

等處率兵四百人直衝其壘殲四十年人生擒半之餘皆  
遁去三月寧遠境外赤腦兒之地遺虜嘯聚督兵勦之大  
勝陞高溝堡守備崇禎三年征土山兒功第一加秩都司  
僉事

孫光祖江南合肥人萬歷四十年任

張麟運湖廣襄陽人萬歷四十一年任

許乃功江南定遠人萬歷四十三年任

沈英秋浙江餘姚人萬歷四十四年任

南朝棟魁子崇禎五年襲僉事兼理永昌營中軍適揮首

犯西界率所部兵以主一戰全勝十四年北征樹績陞監

軍守備旋擢都司十六年為臨鞏鎮遊擊未幾告歸居郭外莊不與外事既歿人見于武威道中曰吾將東遊

### 千戶

孫琦江南合肥人永樂八年北虜來寇琦禦諸境勝之單騎追至炭山口苦戰而死事上聞賜鈔帛厚葬焉其弟禎襲十戶宣德十年率所部兵二十人敗虜于疇羅口虜奔禎策馬追之力疲為所殺賜祭贈明威將軍夫琦禎伯仲秩卑而兵寡迺能奮不顧身冒險禦寇國家盡得此忠幹之臣何憂外患哉

國初改指揮為守備掌衛印儒學仍教授設驛丞二員一在

### 永昌縣志

### 卷五

九

本城一駐水泉堡雍正三年改衛為縣置令改教授為教諭設典史雍正五年裁本城驛丞乾隆二十一年水泉驛丞亦裁驛務歸縣總理

### 知縣

林謙江南和州舉人雍正三年初設

楊汝樞浙江仁和進士雍正四年任籌畫有條

汪志備仁和貢生雍正九年蒞永勤敏通達事無留滯邑文章每考進八名潘學使允敏按試謂多遺卷公聞之即詳請廣額加四名至今永人士思潘憲不置蓋思公不忘也善治獄時有王姓與陸同賈王夜歸陸宿于廛詰旦王

至貨藏如故而陸被殺僉曰王殺人公察其寃問誰是常  
至屢與陸狎者王云張某然張且自若也公命黠役數瞰  
其家跡頗露鞠之備得陸拉與飲醉後毆殺狀案定公調  
武威而龔令來唆張改供酷拷王王父窘赴武訴公公為  
撰詞俾控諸府卒如公讞而龔遂罷輿論快之  
翁維寧浙江錢塘監生乾隆元年任數月去  
鄭鐸山西萬泉進士乾隆二年任寬厚廉平刑清訟理百  
姓愛之學問淵博公餘集生童子署校課不倦去之日老  
幼泣送勒石以銘其德

劉付俊江西安福舉人乾隆七年任疎于吏事而精制藝

永昌縣志

卷五

十

時集諸生為文或不至則數招之苦心讎校如塾師之于  
其弟子自是文風丕振

李炳文字仲蔚直隸蔚縣舉人乾隆十年任謹守成憲不  
事更張莅十年無議之者

王年松湖北黃岡舉人乾隆二十一年任

周泰元江南舉人乾隆二十二年任

解秉智直隸天津進士乾隆二十三年任仁厚有餘

郭昌泰字亢宗山西榆次拔貢捐俸倡建雲川書院多士  
戴之有碑記

吳憲青福建侯官進士乾隆二十八年任

白鍾麟字聖書山西太谷優貢乾隆三十一年任威攝豪猾修舉廢墜極留心書院蚤莫伺察士多受其益者

奇明字一照鑲白旗滿洲舉人乾隆三十五年由隆德調永廉明仁厚視民事如已事曲折務盡每詣鄉驗勘乘馬從僕一書役數人毋令離其側事畢率之以歸其恤民率如此以調臯蘭去送者自城外至邑東界老幼塞途涕泣弗忍舍

吳鼎新字崇實江蘇如臯拔貢乾隆三十五年任精明有為善于課士調臯蘭

范履乾字健堂山西長子舉人乾隆三十七年任篤實勤永昌縣志

卷五

十一

慎非分不為

鄭科捷號秀峰福建閩縣舉人乾隆四十年任

林昂霄號箴圃福建臺灣舉人乾隆四十三年任才足理劇事不遜難與蒙古長勘定昌寧湖平泉等界百姓耕牧得以不擾

李登瀛字仙洲陝西蒲城舉人乾隆四十六年任才識兼勝遇事吐嗟立辨邑故供將軍夫役頗為民累力除之書院紬于資留心籌畫以贍其用增建義學移修龍神祠蓋邑宰之有為者陞直隸安西知州公善風鑑謂城外宜種樹邑紳南濟漢謝弼翰方毓倫自東門壕邊至西門植白

楊八百餘株城隍行宮前學田中尤夥至今三十年大有  
踰圍者孔侯斧斤及馬自是竊伐者多矣甚矣地方攸賴  
惟賢宰能興之能護之也

張承澤江蘇上元舉人乾隆五十六年任陞山西澤州知  
州

朱錦昌浙江海寧州吏員嘉慶元年任

孫步蟾山東掖縣舉人嘉慶七年任

張若采字子白江蘇上元縣進士初銓鎮番有循聲嘉慶  
十年調永昌洞悉民間疾苦車馬之供什省其三折獄詳  
慎讞必自手出迄無翻異者振興書院敬以延師勤以課  
永昌縣志

卷五

三

士可謂賢宰矣莅年餘陞直隸涇州知州旋調安西  
孔廣枚在任七年故

唐元善浙江蘭谿縣監生嘉慶二十年任  
教授

王伍雲寧夏舉人康熙三十二年任

劉顯謨舉人康熙年任董修學宮特著勞績

王仙郿縣舉人康熙三十八年任

孔門棟商州舉人康熙四十七年任

趙孔昭涇陽舉人康熙五十六年任

高子穎清澗舉人雍正元年任

教諭

侯來旆邵陽舉人雍正三年改設

蔣登御文縣舉人雍正十二年任

葛蓄淳化舉人乾隆三年任

上官可觀朝邑舉人乾隆八年任精堪輿多培風脉城北  
置學田助諸生鄉試資斧既去紳士感之紀其事而額於  
明倫堂以志不忘

楊世昇富平舉人乾隆十七年任靜重有師範

曹名世蒲城舉人乾隆二十五年任真率不阿

楊官三原舉人乾隆三十二年任宗尚關學勤于教誨極

永昌縣志

卷五

三

愛才多方玉成之善書有求者摘錄儒先語以代訓在永  
十二載動不過則言無妄發至今紳儒稱道不衰陞漢中  
府教授秩滿內擢翰林院孔目

李時雋富平舉人乾隆四十五年任有丰裁以保舉去

趙振甲藍屋舉人乾隆四十九年任温厚有禮士皆德之

李澄心蒲城舉人乾隆五十八年任恂愔無華為士所敬

范煜隴西舉人嘉慶七年任

徐作楷武功舉人嘉慶十四年任和平有度留意學宮以  
調邊缺去

劉士傑扶風舉人嘉慶十六年任

典史

劉乘順天大興人雍正三年初設

張茂德福建南靖人雍正五年任

徐名標江南青陽人乾隆六年任才具明練長于捕緝

梁耀祖河南濟源人乾隆十二年任

趙文中順天宛平人吏員乾隆二十三年任謹恪可風官  
最久其子孫隸籍于此

彭啓煥江南長洲人監生乾隆四十年任

章德揚浙江會稽人兵部供事乾隆四十八年任

羅名著江西長寧縣人嘉慶四年任

永昌縣志

卷五

四

韓勇泰浙江山陰人嘉慶六年任

倪兆松安徽當塗人嘉慶十年任

何應壽廣東番禺附生嘉慶十五年任

營員明以遊擊為之長萬歷二年置協升為參將最顯者  
平羌將軍祁秉忠又王廷政劉承嗣李魁李秉誠金魁五  
人均有建立故其名存中軍為守備

國初協仍舊制康熙八年設副將雍正十年以都司為中軍  
高古營遊擊乾隆三十六年裁之千總領其事新城都司  
水泉寧遠二營俱守備永寧把總姓氏多散軼故不具書  
書其參與副內外五營統歸提轄責不甚重哉



參將

楊起臣榆林人行伍順治元年任

于成恩順天人廕生順治二年任

陳應舉北直人行伍順治五年任

李子玉順天人行伍順治八年任

趙亮榆林人行伍順治十年任

秦宏猷奉天人廕生順治十二年任

鄭續善北直人行伍順治十五年任修飾關廟

田宗燮湖廣人行伍康熙七年任

副將

永昌縣志

卷五

十五

馬三駿奉天人廕生康熙八年初設

達爾護奉天人廕生康熙十三年任精嫻武略敦重師儒

與教授劉顯謨修葺文廟

康調元慶陽人行伍康熙二十一年任

黃炫福建人行伍康熙二十四年任

陳祚昌四川人康熙二十八年任

祁伯豸西寧人廕生明平羌將軍故永昌參將秉忠之嫡

孫也康熙三十一年任英毅有祖風

陸進忠寧夏人行伍康熙三十三年任

孟大志江南人行伍康熙三十五年任

高其位奉天人廕生康熙三十九年任忠勤奉職陞至松江提督後平滇南入相

閻光偉奉天人廕生康熙四十七年任

康海甘州人行伍康熙五十一年任

馬英寧夏人行伍康熙五十六年任

劉紹宗咸陽人武舉康熙六十一年任雍正元年山夷犯界堅閉不出伏誅

馬紀師寧夏人行伍雍正四年任

張世偉平番人武舉乾隆七年任

陳其瑛貴州人武舉乾隆八年任

永昌縣志

卷五

六

和明順天人武進士乾隆十年任工字能詩雅稱儒將

馬乾西安人武進士乾隆十五年任

楊大業江南人廕生乾隆十八年任

雅倫泰滿洲人侍衛乾隆二十一年任

福昌滿洲人侍衛乾隆二十二年任

張兆藩江南人狀元乾隆二十三年任舉止從容控馭有法

那丹珠滿洲人乾隆二十五年任

觀柱鑲紅旗蒙古乾隆二十六年任

特松額鑲藍旗滿洲乾隆三十四年任

佛遜鑲紅旗覺羅乾隆三十五年任整肅營規威愛並用  
督兵征金川力戰死

福敏泰正藍旗蒙古乾隆四十年任

寧古奇鑲紅旗滿洲乾隆四十三年任

海注蒙古乾隆五十二年任

關騰鑲黃旗滿洲乾隆五十七年任

田有成湖北人行伍嘉慶二年任

夏福臯蘭人行伍嘉慶八年任

福寧阿蒙古人嘉慶十一年任風度端凝馭下不擾而營  
境肅然

永昌縣志

卷五

七

慶麟正黃旗滿洲嘉慶十七年任

曾受四川人行伍嘉慶十九年任

論曰古稱循良吏如潁川渤海洎魯中牟朱桐鄉率皆久  
于其地故治稱茂凡志載從正任有以也雖然士君子懷  
抱利器旌節偶臨猷為見焉我邑署篆如四川王畊廣西  
歐陽鑑滿洲盛露直隸楊毓中江南吳椿諸公清慎勤恪  
而民戴之亦烏可沒哉



永昌縣志卷之六

邑人南濟漢英朝



人物志

豪傑之士秩崇勳偉邑從來可稱者甚矣然而一命無慚三公並責矧天懷倫者節閨帷修士化及于鄉匹夫好行其德... 損焉天山金水鍾毓不乏其人徧采而敘之庶幾聞此潛用昭風厲云爾

文蹟

永昌縣志

卷六

明閔加謨嘉靖歲貢初為國子監典簿秩滿授懷慶府通判奉法循理佐郡有聲晉府左長史

胡執禮字汝止號惟齋中嘉靖丁士美榜出為四川保寧府推官發奸摘伏為太守... 紳所改憚聞于朝行刑部主

事... 轉至吏部主... 陞陝文運司郎中清通祇慎品藻公平上諭... 之選右... 世... 騰黃旋擢太僕

祿太常寺卿尋為... 院右... 都御史時張居正當軸言官余懋學江文輝有因絲絹... 屬執禮誣陷之不

可... 生員吳仕期將幼居正... 未... 可收... 者羅... 並... 余江二人... 至不... 會曰吾不... 人... 也... 萬... 歷... 四... 年... 巡

撫應天等府節旄所向全省肅然適江淮間多盜執禮建  
威銷萌極為上所倚重遷戶部左侍郎總督倉場居正忌  
甚九年夏謝病歸處鄉怕謹扶翼後學置學租三百餘石  
廩貧士至今利賴之未幾召起仍戶部左侍郎兼南京戶  
部右侍郎臨雍命坐寵渥有加十六年南北省連荒民多  
流離于是條奏賑恤事宜全活無算越二載以勞成疾卒  
于京邸上優卹備至及櫬歸遣祭于家諭文肫切贈戶部  
尚書詔祀鄉賢方其撫南也夙興理政竟日無間夜課子  
書讀少倦則咨嗟至泣下洎詣闕日吳郡王元美世貞在  
里餞之以詩特及此云詩入長子大年川東道次有年舉

永昌縣志

卷六

二

人國子監學錄孫養正歲貢河陰知縣曾孫師寅守備  
孫奉先隆慶歲貢性至孝父母病籲天願以身代尋相繼  
歿哀毀骨立既葬廬居墓側朝夕哭奠者三年後為四川  
彭縣令與民休息不尚威嚴調綿竹縣治如初及致仕捫  
其心曰此尚在入忠孝祠

王守禮萬歷初選貢宰直隸清河縣時胥吏強橫與豪猾  
串陷善良既抵任微行廉得之遇訟嚴鞫務究實際嚴治  
捏控及主唆者並向所誣服悉與平反陞四川保寧府同

知

胡大年執油檀子字仁卿風致灑落與明經葉錦善葉工書

能文章日與講析恬如也萬歷間以恩蔭見召謝病不出  
當事迫之迺鬻城西別墅資以北上授戶部郎中尋出守  
湖廣常德常當黔閩通衢武陵令疲于供應百姓尤苦之  
大年力裁其冗官民得以休息遷川東道揚清激濁不妄  
措施未幾乞還封中憲大夫

王懋學號金谷萬歷壬戌進士授戶部山東清吏司主事  
承理倉局廉勤奉職未竟厥施而卒

沈再思萬歷舉人為山西襄陵令風裁儻異陞岢嵐州知  
州修明庶事惟敏惟勤遷湖廣辰州府通判理關稅靖苗  
獠百姓戴之封奉直大夫

永昌縣志

卷六

三

王心學號金斗懋學弟天啓甲子舉人為山左長清令治  
行卓異遷河南禹州牧適土賊揭竿親督丁壯平之拜監  
察御史當言則言其家舊存奏草一帙今軼卒贈河南提  
刑按察司副使祀鄉賢其子我薦以恩廕除四川順慶府  
同知

何廷臣以明經授河南縣丞歷練老成薦為令遞任河內  
等縣所至有聲調祥符鋤暴衛良循猷益茂

曹毓芬幼嗜學深潛入理七歲購薪于市品其乙者曰外  
乾中濕煙多焰少聞者咸器之崇禎癸未成進士即為河  
南項城令志在與民休息閱三月度不可為歸處于鄉絕

跡城市以終其年

國朝王肩久丰儀俊偉有幹略順治初協贊戎機動中窾要及校功辟為兵部武選司郎中三年膺上考適臨鞏鎮總兵員缺特旨命往恩威並用裁抑闕冗拔擢勤能以故得將士心湟中黑番寇青海督兵勦之先聲所至番悉遁去編入文原其始也

馬爾棟字天任鳴星孫舉人學醇才敏雍正中選授直隸豐潤令細察民間疾苦凡所能為無不即為調遷安縣治行益懋以疾歸城北為文社士多從之

謝弼翰字夢予舉人初教諭寧夏善治渠秩滿保舉授貴

永昌縣志

卷六

四

州龍里令慈厚清謹士民胥悅邑例貢茶生巉崖峭壁間採者歲斃數人弼翰力請除之當道不可由是有去志會解犯逸鄰封獲之許如自緝者得免議弼翰曰將誰欺耶遂罷家給資弁以歸

### 武功

明郭琥負文武才嘉靖中征羌羊溝烏牛壩等地功最多擢姑臧守備自是戰無不克迤邐至古北口副將套虜入寇琥運竒設伏大破之尋鎮山右土官張同叛潛引虜酋圍省城琥單師出擊斬首千餘奪芻糧馬牛無算力保孤城改大同鎮進左都督授光祿大夫封凡五代世襲都指

揮使

楊時其先咸陽人來永為指揮使家焉時熟悉邊情才長  
捍禦嘉靖中從征毛目所向克捷擢至延綏鎮遊擊督軍  
辛花馬池乘間用竒斬首四百四十有九奉詔提督九邊  
及紫靖等關進都督府寵錫腰玉祀鄉賢

馬應龍其祖駿為衛指揮使有功于民至應龍尤勤王事  
萬歷初領陝右軍政僉書多勞績仕至甘協副將以疾告  
歸未幾北虜寇邊兵部飛檄委勦焉滅之特旨進都督仍  
協鎮甘州兼攝河西三司五道經文緯武聲望震一時其  
子孫有登科膺顯秩者

永昌縣志

卷六

五

劉濟資貌瑰傑精研孫吳書萬歷間黃台吉等寇邊攻擊  
所至濟輒請為前鋒智謀並用功顯于時由百戶峻遷鎮  
番守備洊陟寧夏鎮總兵法令嚴明羌虜不敢犯界加六  
都督

國朝鄔俊彩字子彥明指揮僉事朝冠四世孫也幼失怙守  
養舅氏瑩雪劬書優贍文藻以武世家無事弓馬康樂  
中舉進士第四人論策詳明是年經濟初選江西羊角營  
守備旋調入京改守湖北沔陽軍印時軍民田賦不均  
屯丁多積逋詳邀清文獲免宿欠四千餘金又以水浸乞  
賑蒙報可督修漕船毫不累民沔人戴之



祁朝相丰姿俊偉膂力過人以戰功任靈州叅將康熙二十一年率師攻厄魯特大敗酋長噶爾旦馳追三十里馘其部二千餘人生擒數百上嘉乃績賜御書授拖沙喇哈番奉召將大用甫入都病卒子模承襲

陸建衡為山西靈邱營叅將狼山夷反勢甚獷建衡徧察地形率兵伏于丈八溝夷來伏皆起夾擊之大勝事上聞賜襲拖沙喇哈番

馬爾值應龍曾孫由軍功為東川遊擊康熙四十年滅韃箭鑪論功第一賜蟒衣遷山西永寧鎮進都督同知封榮祿大夫

永昌縣志

卷六

六

忠孝

明脫脫卜花土軍永樂八年春土達兀馬兒沙等謀叛卜花偵其奸往報甘鎮既還賊知之執其妻子脅之使從卜花義弗屈自刎死事聞上憫其忠以子好帖木兒為衛所鎮撫賞予便蕃至其孫朶兒只賜姓趙世襲指揮僉事

毛忠少隸永伍以戰功官至甘州副將進左都督封伏羌伯成化四年固原土官滿四據石城反忠往征勝之滿懼遁于砲架山忠引兵深入苦戰力盡死之其孫鐺馳救不及亦死晉贈伏羌侯予世券謚曰武勇

文承千戶嘉靖四十一年冬套虜據黑澗池振領兵與其

僕順往禦之兵不進振單騎入被殺僕與俱死

趙思義千戶嘉靖夏套虜復來寇勢甚獷思義率兵以往手殺多人既而力竭其僕忠從戰馳救之並陷于陣

武登雲農夫其父病劇諸藥弗效雲夜禱于神剖左股肉以進遂瘳

國朝邵誌涼鎮千總雍正間巴爾庫爾力戰陣亡子昌易襲其職

李國清武舉精騎射兵部考列優等乾隆辛卯征金川奪碉破壘往輒有功擢延綏鎮千總癸巳春進攻克日旁衝鋒而死子瑤承襲把總

永昌縣志

卷六

七

許誥涼標千總乾隆四十六年四月撒拉兒圍蘭州誥率兵百人星夜往援比抵河橋兵行疲而賊攻城甚急誥倡聲曰此時不用命來何為衆皆響應奪橋衝圍而入賊遂潰誥以戰死子萬壽襲雲騎尉

李奇少有膽智乾隆辛丑夏撒拉兒叛突攻河州時奇為守備率兵登陴拒之城陷盡力與賊鬪被刺中左脇墜城下瀕死懼賊得局中藥乎卒搬往親燃之賊恨甚磔其尸子自璉廕把總

趙陞俊庠生天性孝友父歿竭貲營葬廬墓三年衛守表其閭

張紹訓字克正廩生事親能色養蚤失怙母病奉侍湯藥衣不解帶及歿廬墓三年奉

旌表入祠乾隆己巳修邑志嘗從事焉

張爾惠字吉可恩貢生篤厚有文行事親至孝父歿廬于墓側哭奠三年善書醉後濡毫大有顛致

劉洽字樂山庠生性介而貌古事親盡禮母歿營葬畢墓臨高阜穴而處焉三年始返好為水墨畫雕石作器亦佳李琮目不識書而性孝順母病久潛割股肉二寸許烹以飼之沉疴立痊

農民李林如狄本熙縣掾陳瑛事與李琮同

永昌縣志

卷六

八

柴譽醫士也父母繼歿茹素六年宗族稱之

義行

明胡岳字斗山舊志未詳今攷其告身有曰冲夷以介倣儻而奇睦族敦倫捐貲賑急又曰少歷艱辛乃托跡于塵市堅持雅素實廣志于圖編里推長厚之風家稟義方之訓蓋實錄也鄒蘭谷先生應龍志其墓同以子執禮官累贈至通議大夫祀鄉賢

國朝蔣應蕃應蘭同胞伯仲也俱為諸生素素以道義相期居

新城堡雍正元年南山夷掠界所至必跪迎罄金帛馬牛以獻始免及堡破蕃蘭兄弟曰為朝廷士子讀孔孟書與

其面顏媚虜以生也毋寧死遂扃門斃其家衆訖燃薪徧  
庭戶兄弟自刎男女死者共九人教授高子頴旌其門曰  
舍生取義是乃義之大者其三弟應歲以婦家有事偕行  
因不與難而將祀獲延

郭耀農夫魁梧有義氣雍正初南山夷叛副將劉紹宗堅  
閉不出鄉民至城下號泣而請間有縋以入者耀義憤糾  
鄉衆逐之虜遁去已而復來衆潰耀單騎往以馬路見執  
遂被殺

白輔宸武生方夷之叛也其父斗守水泉營以奉協檄戒  
兵勿動及新城陷夷且來宸授甲執戈呼曰爾曹誰無室  
永昌縣志卷六

家能逐虜者從我兵咸奮往禦諸高古城之西虜望風而  
靡高泉兩堡賴以無害其父亦得免譴後中武舉

趙大鸞庠生新城堡人山夷圍其莊攻之甚急鸞正衣冠  
仰藥而死

魚名鯤廩生勤學樂教寒峻之士每被其惠康熙中捐粟  
賑饑多所全活衛守立石表之雍正初西征名鯤出車輓  
運議敘縣丞

陳洪業監生揮霍不吝乾隆戊午饑救生恤死費多金邑  
侯旌以惠周鄰里義重鄉邦年八十三卒子登甲武舉  
張丕懷素懷兄弟友讓協修文廟

趙士學監生性仁厚愷悅樂於戊午歲開困散粟同里賴以舉火者數十家縣官扁其門曰周急君子子殿輔武舉殿鰲貢生

張雲漢鄉耆于河西堡設質庫歲減其息三之一歷廿餘載不改荒年施粟捨棺蓋富而好行其德者

趙元品庠生七世同居門庭雍睦其遠族孫繼美兄弟者幼赤貧品挈至家撫而教之美既登庠以五百金為置產始遣之歸居鄉敦厚有禮人皆敬服卒年八十餘

張映魁鄉耆性愷惻于窮餓多所解推乾隆癸未饑且疫道旁多死者魁予棺木其後貲不給則席裹埋之至修葺永昌縣志卷六  
祠宇尤所盡心子惇悅俱庠生

杜經魁農官居永豐堡癸未歲煮豆飼貧者堡中得免于餓生平好人讀書常置塾延良師寒家子弟不能具修贄則代之鄉人高其行子孫多入庠有登科者

勾潤庠生居常恤族賙鄰不吝升斗乾隆癸未歲荒以麥五十石給餓者同姓諸生文燦宴無所依予之田宅車牛俾耕以養所出任所用不之問及歿厚葬焉其子不事生產去之間復顧其家數為里塾延師鄉子弟多所成就

梁浴生監生世居九壩財不足以庇同里而見信于富家凡比鄰種稔口食及婚葬之資者躬為稱貸人亦不忍負

之如是為常或將訟務勸以息歿之日弔者擁門  
張爾息字據可郡學歲貢生胸襟灑落舊有僕婢六七口  
貧不能畜或令鬻之曰吾役其力何忍利其身恣遣去司  
訓固原某觀察遇不以禮遽拂衣起蓋老而有風骨者年  
七十八步行可十里無病而逝

劉有年庠生斗岳子之弟子也父病祇侍湯藥衣不解帶  
者累月及歿哀毀骨立後喪母亦如之極友愛堂從兄弟  
無不倚若同胞最善排解嘗有鄰壩以水利構訟眾勸不  
息生至數語立剖以其公正素信于人也家無餘積庚午  
春里多懸未生與友某署名貸粟俾種之不償不問也此  
永昌縣志卷六十一

節烈

明陳氏千戶文振妻年二十八振戰死于黑澇池無子氏  
收骸骨營葬畢投繯者三賴鄰婦救之以甦紡績自食七  
十九歲卒撫憲表其閭

文氏千戶趙思義妻義陣亡氏年二十九悲泣不欲生旋  
悟曰姑衰子幼我死將誰依辛勤砥節姑賴以終子長承  
父職守歷四十一年巡按御史屢獎之

甄氏常德妻美姿容崇禎末闖賊見而戲之氏唾面大罵  
賊怒殺其夫氏懼終為所污給曰子瘞我夫屍我從子賊

如其言乘間投井死

國朝散氏兵毛榮妻順治間夫陣亡氏聞之幾絕候骨還收葬遂自經衛守旌其門

駱氏王澤溢妻溢亡氏年二十二甘貧撫子歷四十餘載張氏王永正妻年二十六夫亡舅姑逾七旬遺孤八歲氏事老撫幼勤慎終身年八十有二

陳氏沈顯祖妻顯祖歿氏年十八子甫兩歲杜門撫育閱三十餘年積勞成疾而卒

李氏庠生趙大黷妻雍正元年夷圍莊大黷飲藥死氏年二十懷數月姪以夫尚無嗣也將殉旋止匿深窖中夷攻未克去之氏得生已而舉子撫養成人卒年六旬餘

永昌縣志

卷六

十一

王氏朱色元妻年二十七夫歿遺腹生子氏撫之夫弟色壽不才傾覆先人產旋死遺二子俱幼氏並撫之及子姪長恢復舊業家道復興其孫象文入泮皆氏節義所致也王氏陸遴輔妻年二十八夫故家甚貧藉女紅為養撫子成人四十載不少渝已

### 旌表

曹氏監生王國經妻年二十八國經亡遺二子俱幼氏竭力教養迄至成立孫曰寧登庠氏年七十有七臨終嘆曰吾今可見吾夫于地下矣

楊氏曹明妻二十六歲夫故撫二子成人歷三十餘年諸  
艱備歷其長子家瓊早亡妻封氏年二十五孤守以終兩  
世苦節難矣哉

馬氏監生劉建勳妻二十九歲夫亡遺孤方幼氏矢志靡  
他撫子為國學生年七十九無病而終已

旌表

王氏監生趙廷獻妻年十八適獻歲餘獻亡姑孀子甫三  
月而家甚貧氏甘心凍餒奉姑以終子亦成立卒年六十  
劉氏羅象垣妻垣故氏年二十二姑寡且衰氏奉疏水維  
謹終葬如禮教子尤勞心守四十二年而卒

永昌縣志

卷六

十三

王氏武綏遠妻年二十九夫亡家徒壁立矢志守貞歷四  
十三年

宗氏庠生蔣應芳妻芳故氏二十四歲安貧礪節足不履  
閭外卒年六十

文氏柴鍾秀妻年二十七夫故遺二子四壁蕭然氏理機  
杼日夜不休撫長子雯入庠次亦成立卒年八十有七

王氏張紹紹妻年二十而孀子甫兩歲翁姑以其青年勸  
之改適氏啣指自明事親撫孤辛苦四十年婦道母道兼  
盡焉已

旌表



張氏年十七適毛宗伊兩載夫亡家無儋石子方數月甃  
甃無所依氏誓不嫁中年子死孫亦夭繼曾孫以承先祀  
卒近七旬

白氏毛宗惠妻年二十六而寡遺子二氏艱辛撫育迄致  
成人卒年六十有一

李氏張大智妻年二十七智亡家非素封而食指甚衆氏  
課耕操織以贍其用子二維均維教俱為諸生年六十四  
無疾而逝

高氏陳興儒妻年二十六夫亡家極窘子方三歲氏憑十  
指所入為衣食資矮屋蕭然靜居四十四載飲冰茹蘗辛  
永昌縣志 卷六 十四  
苦備嘗

呂氏兵郭大榮妻榮西征氏年二十一方孕已而生子越  
六載其夫亡于陣氏二十七歲劬勞撫子娶媳生孫子尋  
亡又撫其孫幸克成立六十五歲卒

崔氏張良珍妻二十六歲珍亡氏數日不咽誓與同死翁  
姑再四泣慰之乃已事翁姑甚孝歿殯以禮撫四子瓊玫  
玢瓊均遊庠序諸孫入泮者四人登甲登雲後為歲貢生  
持節五十八年壽八十有四已

旌表

張氏庠生李子元妻二十九夫故矢死靡他歷四十七年

克完其貞

王氏陳朝烈妻舉二子未離襁褓烈故氏年二十三家無伯叔相助為理凡內外事一身樁柱心力俱殫督其長子璵次桂林並遊洋人稱為巾幗丈夫卒年七十有七

張氏孝子紹訓女許字沈育梅梅方病以下吉歸處之異室月餘梅亡氏年十七其父問所向氏曰素聞女誠忍蹈不義耶予爾獨處事兩世舅姑終始盡道撫姪若已出家中落勵節益堅卒年近六十知縣范履乾聞之為請

旌表

趙氏王修禮妻二十九歲禮亡柏舟自矢劬勞終身

永昌縣志

卷六

十五

周氏王應宣妻年二十一夫死子幼富室有議聘者氏指天日為誓躬親紡紝以撫遺孤五十年無異志

尹氏李伏賓妻賓將死以家寒子幼度難為活令改適氏剪髮自明時年二十九拮据終身壽至八十

沈氏屈芳妻年二十九芳病死茹荼守志二子賴以成人終年六十二

李氏張緒孔妻二十七歲夫亡勵節育子以終其身

劉氏生員王緒妻緒歿氏二十三歲事舅姑無違禮教子以義方三十餘年不憚其瘁

李氏高益國妻益國故家亦貧氏年二十八子一藉針黹

為養子死撫孫值奇荒困苦流離百計全活孫亦早世復撫曾孫成人高門四代宗派三世孤零氏以苦節全之可不謂難乎壽八十五終

王氏趙開昶妻歸昶五載而寡年二十三其戚以他適勸氏曰婦人從一而終將何往撫二子俱成立長興沼入泮卒年七十五

杜氏嚴秉浩妻舉二子夫亡氏年二十九苦志育孤凡四十載

張氏適宗聖統甫七載夫亡年二十四一子方在抱舅姑憐其幼將嫁之氏曰生入宗門非死不出也砥節殫勞仰永昌縣志 卷六 六 事則婦而子俯育則母而父五十年如一日已

### 旌表

陳氏張大紳妻紳歿時氏年二十七子未周歲家窶甚氏勤組紉賴之以活子長漸能謀生勤勞經三十餘年鄉人憐之

葉氏蒲國印妻夫死家奇貧事六旬姑撫三歲子茹苦衣結者三十七載初守年二十有六

閔氏蕭國聘妻聘早世氏年甫二十獨任耕織以給俯仰一子成立克服先疇七十一歲終

喻氏適陸文玉年二十六文玉亡撫育雙孤歷三十三年

蓋未嘗一日自暇逸也

張氏武生郭鏞妻年二十九舉一子鏞故氏操勞堅守教子持其家至六十八歲卒

李氏貢生魚溫妻年十七適溫越八載溫亡氏日夜啼泣欲以死殉里黨力勸曰死易耳如雙孤何意始解辛勤撫育長子又霄為諸生次與國中武舉終年六十三已

旌表

劉氏陳汝詠妻詠亡年二十四誓不改嫁家頗饒于資而節衣縮食克儉且勤守至五十三歲而歿

賈氏柴林妻二十八歲林歿持節三十餘年教子生梅入永昌縣志卷六

太學恤饑憐困頗有義風

曹氏張翥妻年二十七孀居事老姑極孝謹病侍湯藥累月不怠歿葬以禮遺子聲擴方周歲嚴訓成人守節四十二年已

旌表

陳氏唐國相妻歸相五載年二十三夫故遺子二生計蕭條氏辛勤撫育機聲每至夜半或言嫁則曰若然他日何顏見吾夫耶迨子成立家稍紓壽終七十

茹氏兵楊廷理妻理屯田哈密而亡年二十八晝夜績紡撫子成立苦節三十四年

王氏楊福明妻夫歿家窘甚氏二十六歲善事舅姑疏水不給脫簪珥佐馬歿竭力營葬撫子娶室辛苦萬端年五十六卒

秦氏張玉祥妻年二十七祥亡貧不能具兩餐氏甘餓如飴撫其子成人三十年不懈

龐氏陳汝學妻年二十九夫死無子悲泣頻絕翁姑諭以衰老靡倚始安嗣姪為子以繼夫志壽七十三

王氏監生陳汝詩妻子歸十載無所出夫亡撫姪不異已生躬柄內政婦職克修守三十餘年

楊氏張君奇妻二十六歲夫故室如懸磬氏甘凍餒撫子永昌縣志卷六

成人卒年六十

周氏宗瑾妻年二十九瑾亡守志撫孤老而彌勤

劉氏張緝孔妻夫亡子稚家計維艱氏操貞節自二十九歲至六十八而終

毛氏王鍾秀妻生一子數齡鍾秀死氏年二十九督耕勤織子賴有成六十歲卒

武氏幼聰慧通書算適劉朝復年二十八夫亡隻身理家政而課子尤嚴中年長子揚死督仲子掄讀書甫入庠又死桑榆無倚與二孀媳居以終焉卒年六十九學憲楊以節堅金石表其閭

劉氏史...鎮國亡氏年二十六家貧如洗操女工以育孤兒及子壯能養而殞今氏七十九歲猶竭力撫諸孫可憫哉

張氏宗聖例妻例死氏年二十七舉一子氏辛勤鞠育更三十餘載母道無忝

沈育檀妻年二十九夫亡止遺二女氏誓不改適女長畢嫁即絕食不欲生親鄰苦勸之迺止家貧無藉寄食母家卒年六十

趙氏張倫妻二十九歲夫歿遺子三俱幼氏勞心教養歷今三十四年

永昌縣志

卷六

二十

茹氏陳世爵妻年十八歸爵甫五載而爵亡其父母諭令他適氏曰違親不孝背夫不義棄子不仁有死無二也甘貧守志年屆六旬族黨皆稱其賢

喻氏張又定妻定亡日氏年甫踰二十堅志守節足不履閭外教子讀書出就外傳入必考其功蓋能慈以代嚴者守經三十六年子繩祖歲貢生已

旌表

許氏王性美妻美亡時氏二十九歲家無尺土寸椽一子甫四齡氏撫之盡歷艱難子長為傭莫不歎為苦節卒年

一有二

張氏呂元妻生一子夫故氏年二十四姑尋歿翁老且衰氏奉事維謹子長親督力田雖極勞苦恬如也年六十卒喻氏將維妻二十六歲無子守節年逾七旬一生窮苦張氏賈爾福妻福亡年二十九家貧甚氏撫三子不嫁夫黨屢欲奪其志以死拒之今諸孤畢婚氏之力也任氏侯爾度妻十九歲歸度二十八而孀躬理田園鞠育二子三十餘年皎然不欺其志

張氏閔應舉妻其夫將死謂曰爾正青年且吾家窶甚吾死可適當者氏即截髮于牀前示無異志及夫歿撫未歲子紡織營生無何中道子殞今幸其孫長成即天所以報

永昌縣志

卷六

三十一

氏也拮据四十三歲初守年二十一

楊氏武舉陸生嶰妻二十八歲而寡事親撫子孝慈並至其長子加治中武舉早逝次加淑武生守歷三十餘年人稱貞靜

張氏武生王攀龍妻年二十九夫故教二子書令就館夜則操女紅以督之九齡九思俱為諸生卒年六十餘

祁氏幼守女箴長適將廷綬綬亡氏年二十一遺一子旋死親族或言嫁即號泣終日翁姑知其志堅立姪為嗣氏勤撫之事親亦孝謹終年五十

蒲氏秦紹先妻二十六歲紹先故家無升斗氏矢志不移

卒年八十

劉氏張紹纓妻二十八歲守節辛勤撫子成家年五十六而卒

狄氏兵白魁妻魁征西域陣亡氏二十七歲子方周齡誓以死守凍餒畢嘗其子今入伍苦節三十餘年

張氏劉鎮南妻年十九夫死生子彌月居二載姑憫其幼勸之再醮則抱子而泣由是不復強姑性過嚴氏善事得其歡心子克成立守歷四十年

端氏監生李子順妻二十九夫歿孝事翁姑存歿無違禮遺子一鞠養成成人

永昌縣志

卷六

二十三

蔡氏兵柴永乙妻乙出征西域爾時長子在抱氏且娠既而生子未幾乙亡于陣氏年二十一貞心永矢忍餒撫孤子皆成人卒年七十有三

高氏兵徐朝英妻朝英西征陣亡氏指天矢志素不得于嚴姑罵詈順受之奉姑以所甘而糟糠自嚙人稱孝婦持節三十餘年子成為經制外委

鄭氏妾海妻年二十八夫死葬之予爾一身無朝夕糧寄養于母家其母但言嫁輒泣日操針黹而食漸少母問其故紿曰腹痛頻乞藥投之數劑食愈少值夫百期謂母曰須一往奠母給之食物比反則卧而絕粒其母往舐之聞



戶不言飲以湯不咽越數日死

蕭氏監生丁克俊妻年二十一夫死無所出撫姪為子苦守歷三十年

蕭氏張永達妻年二十七永達病亡甘貧撫子子死撫孫卒年六十有二

王氏田杰妻年三十夫故撫二子踰冠相繼而亡撫其孫成人劬苦畢嘗六十五歲卒

韓氏李永祿妻年二十五夫故遺子一家有田畝悉質諸人氏傭針度活及子長督令力作錙銖毋許擅用乃反其產今年六十有九日用綽然

永昌縣志

卷六

三三

張氏趙興泮妻年二十四夫亡遺子一性極幽靜有所之非妯娌輩與偕不往也苦心撫子以持其家年五十有六南氏李清生妻夫亡氏二十四歲子在抱守之數年鄰近富家某厚款其戚頻媒之覘皖好音略不為動甘心飲冰茹蘗以撫厥孤子長既娶室而夫氏慟曰我無子我不負夫待死而已守歷三十二年

祁氏庠生何廷珍妻夫歿撫諸子兼治家事子少長耕讀視其材入泮者二人家亦饒足自二十八歲守節今年七十有二已

張氏汪登麟妻年二十四夫故鄰戚謂其年少子稚家無  
資當嫁者三而氏不易也甘饑忍凍備歷諸艱子長能以  
力養猶勤勞不懈年五十有五  
孫氏黃德孚妻年二十三夫亡殮訖抱數月子向姑泣曰  
遺血累姑妾從夫地下遊矣屢尋自盡姑與鄰婦嚴守之  
氏度不克遂于是漸釋孝事舅姑撫子大勳登庠子亡撫  
孫現年五十有八已

旌表

毛氏陳開邵妻開邵病亡氏年二十一子甫三月矢志苦  
守事寡姑以孝聞子克成立今年五十一

永昌縣志

卷六

二十六

張氏十七歸儒童方鏗閱四載鏗亡子甫二齡氏顧而哭  
之頻絕既甦迺曰我為爾父死忍不為爾生耶初焉倚姑  
及姑歿形影相弔撫子有成年五十二歲卒已

旌表

胡氏王修斌妻年二十四而孀鞠養二子備歷艱辛至今  
守三十五年子俱長教戒不衰

尚氏毛應璧妻年二十七夫亡家無儋石氏操織傭針甘  
凍餒以撫二子長男既冠而天次幸成人聊供菽水卒年  
六十有六

張氏劉渥妻年二十九夫故遺腹生子家貧苦撫成人今

八十二歲

陳氏十八歲適謝銳五載夫亡無出居年餘有勸嫁者氏正色曰當夫蓋棺時妾已陰誓之矣再言則死而已乃撫姪為子足不履戶外畢歷貧苦今年六十有二

貞婢附

旺婦胡氏婢也夫死年二十一男女無出主人將以他僕配之婦曰烈女不事二夫婢雖賤流亦頗知此強之再四不從或謂爾無子後將何賴婦曰婢生僕耳安所得子哉孤守三十餘年完璧無瑕蓋奴婢中吾見亦罕

耆壽

永昌縣志

卷六

二五

國朝李河龍天性樸茂年近百歲逍遙隴畝人稱為陸地仙桂大相恬淡寡營貌癯而神健年九十有八雙瞳炯炯如童子真人瑞也

趙孟學未成名最喜讀書年九十有二日為諸孫授字不倦且多記前哲格言逢人輒誦戒之

趙祺洪年九十一躬勤儉以率子弟家道蒸蒸日上

李成元天真自葆臨事無機心壽登九十

王好勇舉止不浮尤善自頤養年八十有八竟日危坐神色淵然子七人

杜世佩年八十七襟懷瀟灑自少至老足不履公庭舉五

子克起其家

李國昌持躬謙謹遇童幼無倨容至論事可否則不少委曲年八十有七

許儒字大成庠生家號素封黜華尚樸年八十七行不攜杖徒步可二十里富壽康寧鄉人嘆羨

毛翽霄武舉宗閔父也年八十有七和平渾厚一鄉奉為典型

郭永泰恩貢生性敏好學至老手一編不輟人有所問靡弗能應者年八十餘歲而卒子興尚舉人

秦暲歲貢生精于堪輿所言休咎無不驗司訓鎮原秩滿永昌縣志

卷六

二十六

而歸猶能騎款段疾馳常游山壑間遇善地輒指以授人咸德之年八十有六

秦暲監生暲之堂弟也幹練有為乾隆間西域軍興協辦輓運等事官民均賴年至九十

陳登甲乾隆丙辰武舉世居雲川堡性友愛最喜子弟讀書其堂弟登薰嗜學恐其為家累也不恤已勞俾肄業蘭山者十年得食餼選優人多稱之年八十五

任克久字徵卿諸生也好松雪書頗得其似中年以貧故居于市然諾不欺而人倚重之居積致多金七十退處于家緡閑之餘含弄而已今年八十有一

社耽預子西安人懷帝永嘉初避亂遊河西居金山之  
下相傳築室磧中今莫指其處嘗仕張軌追秦符堅克涼  
州子孫始遷關中

乾樂北庭人其先于元初挈家居永稱巨族焉樂尤聰  
明典重久居政府後不詳其所之

王贊元江西南陵拔貢崇禎初為永昌教授老不能歸  
遂隸籍于此其孫履仁乾隆丙辰以諸生舉孝廉

張榮祖號漪園關東廩貢崇禎初由山西聞喜令為肅州  
別駕致仕來永于城南置墅嘯咏其中久而忘返今監生  
永昌縣志

卷六

二十七

有科舉止謙謹克恢先業其六世孫也

論曰人材因乎地脉邑非淳厚之鄉乎何高義貞操輩相  
繼也獨功名士少然昔固有勛在盟府蹟上景鐘者矣後  
來殆將興與若夫關洛心傳于茲未遠當有聞風而起者  
祀重鄉賢其行事皆可考近如蔣應春應蘭一家死節九  
人倘以其伯仲附主于祖孫殉國武勇毛公之後未為過  
也

永昌縣志卷之七

選舉志

科目莫備于漢徵召薦辟別戶分門唐宋互有損益明初定鄉會試與貢生為三途

國朝因之兼舉孝廉方正鴻博等科取人之法詳而要矣敷奏明試士當預籌所以報稱者安在豈第務文詞為弋名計哉武例率與文同行伍並用今悉採而列之

進士

明嘉靖己未科

胡執禮字汝止號雅齋岳子官至戶部左侍郎贈尚書

永昌縣志 卷七

天啟壬戌科

王懋學號金谷戶部主事

崇禎癸未科

曹統芬河南項城知縣

國朝乾隆辛未科

南宮鼎字德宇號文峯

庚子恩科

南濟漢字匯東號斗出官鼎子初任湖南安福知縣乾隆壬子科同考試官調衛山縣原任家居

舉人

明天順壬午科

嚴明河南孟縣知縣

嘉靖己卯科

胡執禮見進士

萬曆辛卯科

沈再思讓子辰州通判

己酉科

許天盾

壬子科

王懋學見進士

天啟甲子科

永昌縣志

卷七

二

胡有年執禮子國子監學錄王心學號金斗懋學弟官至御史

崇禎癸酉科

曹毓芬見進士

國朝康熙癸巳 恩科

馬爾棟字天任直隸遷安知縣

乾隆庚午科

南宮鼎經元見進士

癸酉科

謝弼翰字夢子貴州龍里知縣

甲午科

郭興尚字丹書

丁酉科

方毓倫字子叙山西試用知縣

己亥 恩科

南濟漢宮鼎子見進士

丙午科

沈銓字綬仙左翼官學教習候選知縣

嘉慶戊午科

南崇字陰西宮鼎孫濟漢子

丁卯科

永昌縣志

卷七

三

蔡發甲字翰升

貢生

明成化

歲貢高禮 蔣志 張九臯山東濟寧縣丞 虞鐸 王霖 李彬

山東安邱知縣 陳能 柴輿 李讓 江雲 耿璫 端玉

嚴裕

宏治

歲貢孔縉 金鐸 王英 范宣 李宣 皮冕 張

李琰 李秀 胡景華

正德



歲貢張鑑 宋淦 趙文 嚴禮 張浩 張源 喻定  
四川蒼溪教諭 王銳 柴槐 陳昊 董儒 李朝陽鴻臚寺序班

嘉靖

歲貢陳商 楊善 胡執學直隸安肅縣丞 郭安 賈琮

鄒文可太僕寺主簿 孫士英安巴縣丞 劉璋 何廷臣安巴縣丞 趙廷揚

張繪 趙祿 李時 宋浣 楊吉 張鸞 喻桂齡

蔣存仁 孫士傑 閔加謨國子監典簿 劉學習 陳績

高禮河南汲縣教諭 王相

隆慶

永昌縣志 卷七

歲貢孫奉先四川綿竹縣知縣 柴山山西曲沃縣主簿 沈讓臨洮府教授

南應奎涇陽縣訓導 陞

萬曆

懸貢陳士祿四川什邡縣主簿 許天肩巴西舉人

拔貢王守禮直隸清河縣知縣 楊天璋直隸真定縣知縣 許乃言天肩子

東曹州府同知 趙天垣 王廷霈維屏子直隸定興縣知縣 曹棟四川彭水知縣

歲貢張天福河南府照磨 王用師 羅俊彥 王子英醴泉教諭

山薦雲 孫光先 陳堯咨漢中沔縣訓導 張從道山西徐溝教諭

周杲 王維屏守中子 趙應鸞 彭澤邠州訓導

楊天瑞 李端 葉錦好學工書尤善榜字 雷大海 王守極

趙應科 馬應乾蓋屋訓導 馬應坤 王道行同州府訓導 趙應鰲

高惟衡

天啓

拔貢劉中行山東濟南府通判 郭集民

歲貢張宗鉉 張自新 曹敏學

崇禎

恩貢趙階俊應昌子

拔貢徐日昇 楊念祖

歲貢趙應昌山東朝城知縣 王胤久鎮番衛教授 胡養正字希聖執禮孫大年子河

南河陰知縣 趙元可四川新都知縣 何廷臣河南祥符知縣 楊世蕢 趙元珍

永昌縣志 卷七

馬廷華

國朝順治

拔貢郭碩

歲貢趙牧 張御詔 鄒士遴 鄒鳴陽 陳潛修

王我謨懋學子 孫夢元 王可賓 楊世功

康熙

恩貢何維世 王省泰

副貢楊名顯丁卯科

拔貢毛飛璽

歲貢王依仁 曹璜石 趙陞俊應昌子與安州訓導 王維運

李慕 陳爾奇 王省慶子家珠 王省歲 張翼軫

陳佩璜 李元精 高應聘 雷正聲 鄭國惠

趙九齡 羅世傑 王定寶 趙行可 王忠節

郭具瞻 曹宣簫 趙崇素 楊名立西安府訓導 劉三臺

吳洪璽 丁長庚 張世官翼軫子 任有德 馬爾徽

王省成 田益國

雍正 恩貢侯維禎

歲貢高爾忠 王輿尚 陳叔駟 秦芳 杜華字錦如文行兼

茂寧遠訓導 楊棟名立子耀州訓導

永昌縣志 卷七

乾隆

恩貢郭永泰字保寧 張紹孔字希聖 張爾惠字吉可 張璠 胡誠

馬呈文 張瑤字府聖 副貢趙際賢字蘭亭庚辰恩科 南濟楫字用之官鼎子濟川濟漢弟已酉恩科

歲貢高騰甲誕安府訓導 王家珠字伯園 秦暲字映安縣訓導 王莊

朱紹文字生 毛飛煥 滕福衍 趙九疇字子範寧縣訓導 正

趙于殿甘州府訓導 張鈺 張已正字修敬 張紹讓字克菴州訓導 寧

郭興聖 葉德盛 張洪畧字訓導 滕耀字君龍 謝瑾字天

瑜嚴慶龍字雲從 李國澐 沈育模字正 黃時字子楷古文

董從 謝供翰字俊千鳳縣訓導 杜日南字培子 趙殿鰲字君魚

楊文瀚字昆 董永申 張爾惠字標可 府學 張理字井

張琴理弟 張爾懃字慎 張登甲字捷 陸生崙字源 張繩祖字

遠

嘉慶

恩貢王元龍字象 陸維統字憲 高培蘭字子

拔貢方綏中字一堂 毓倫子辛酉科

歲貢柴如岡 南濟川字巨 天宮 蔣文嚴 馬紹曾字魯

張登雲 劉飛鳴 韓愷府學 田中魁 秦世普 孫鳴珂

雙字玉 李耀文 王興仁字暉 勾鍾瑞字輯 杜詩法字希 李

秦振基字西 楊聞科字殿

永昌縣志 卷七

七

例貢沈紹祖 王宏壘 狄永祿 王諤 楊春蓋

沈璿紹祖子 王建國 陳揆隨佩璜子 楊相名顯子 劉陞勳

胡諭 祁天信 胡謏 王奠國 孫名勳 楊廷楠

魚温 陳天廕

軍功議叙

國朝王脣久兵部武選司郎中 沈紹祖由例貢除山西布政

州知 狄永祿由例貢除湖 張良箬生員候 朱文煜監生候

魚名鯤廩生 蔣應賓廩生 候

掾吏

國朝南之經考註 馬國英湖北宜昌 張珮直隸石門

武進士

國朝康熙辛丑科

鄔俊彩 湖北沔陽衛守備

甲辰科

王家琮 子 好需

武舉

明隆慶庚子科

孫耀先

萬曆乙卯科

王用賓 王廷雷 子 維屏

永昌縣志 卷七

天啓辛酉科

王廷雷 中式 第二次 第 張鳴鵠

丁卯科

馬鳴駕 子 應龍 馬鳴星 子 應乾 守備

崇禎癸酉科

王廷雷 解元 中式 第三次 趙清

丙子科

趙應舉

國朝順治辛卯科

王家琮 見進士 郭澍 南煌 指揮朝棟子 由撫標守備中式

甲午科

趙大俊

康熙庚子科

鄔俊彩見進士

癸卯科

王家琮第二次中式張象乾

壬子科

王省一家琮子

辛酉科

王省一第二次中式

永昌縣志

卷七

九

丁卯科

王省睿家琮子

癸巳科

王禔省一子

雍正癸卯科

白輔宸斗子

乙卯科

吳瀚 楊又博棟子杜英

乾隆丙辰科

陳登甲

戊午科

張爾恕

甲子科

杜含英

杜蘭

丁卯科

王好仁

庚午科

趙殿輔

許理

杜含華

壬申科

趙希抃

鄒晉

毛宗閔

永昌縣志

卷七

十

癸酉科

吳溶

孫文誥

吳又玠

陸生嘯

丙子科

杜含蓋

含英弟

劉映南

鄒普

巳卯科

李國清

庚辰

恩科

宋紹孔

壬午科

杜含蕙

含英弟

乙酉科

楊世蔭又博

戊子科

魚興國

甲午科

趙第元 陸加治 陳爾善

己亥 恩科

杜發科含英孫

庚子科

杜詩工

永昌縣志

卷七

十一

癸卯科

王曰泰 杜三捷含蓋子 汪朝璐

戊申科

杜萬春詩工 楊世蘭

己酉科

陳萬言

壬子科

杜詩健 劉發元

甲寅科

陸加泮 杜萬選 杜萬年含蓋子



乙卯科

杜詩泰含蕙子

嘉慶戊午科

杜萬齡含蕙子詩泰弟解元 勾廷伯 馬汝瑛

庚申科

趙思誠殿鰲孫希朴子 杜發第含英孫 杜光翰含英孫發科弟

丁卯科

毛廷儀宗閔子 杜發鰲 杜光國含蓋孫萬年子 杜詩正 李玉標

焦署仙

戊辰科

永昌縣志 卷七

陳萬選萬言弟解元 杜應鵬 張文錦 黃兆元

庚午科

李維鼎 黃玉麟

將材

明毛忠甘州副將贈伏羗侯 郭琥山西總兵 楊時九邊提督 馬應龍甘州副將 劉濟

寧夏總兵張鳴鶚延安副將 馬宗援莊浪參將 郭鎮都秦州遊擊

國朝王毓久守禮孫眉久弟 王家瑞紅崖堡守備 張駿德蘇州右營遊擊

王宏鼎心學孫福建提標參將 張銳湖廣督標副將 王宏敷懋學孫鎮番參將

邵廷臣高臺遊擊 胡師寅執禮孫養正子洮州守備 邵元勳廣東北清衛掌印守備

趙珍瑄甘州守備 祁朝相靈州副將 陸建衡山西靈州參將 王省躬家瑞子廣東撫

標遊 徐來洪 山丹遊擊 馬爾值 四川永寧副將 梅林 西安標遊擊 祁瑛 朝相子世

襲拖沙喇哈番 江 葛明心 廣東標遊擊 石仲秀 直隸正定守備 鄭元良

萬全營 端成祿 江南撫馬九臬 洗馬林 陸進朝 直隸撫

賈起第 湖廣永 孫朝儒 定邊 徐三畏 河南河北鎮標遊擊 端正學 江西

寧都營 李奇 河州 呂鈞 廣西

### 封贈

國家錫類展恩綸音是逮受之者雖不與捧檄同而被命服享榮名與登仕版者無異也列諸選舉以表祖若父義方之勤以申子君孫顯揚之志

明胡景華歲貢生以孫執禮贈通議大夫都察院右副都御史

御史

胡岳以子執禮初贈承德郎吏部主事再贈奉直大夫吏部員外郎三贈奉政大夫吏部郎中四贈通議大夫都察院右副都御史

沈讓臨洮教授以子再思封奉直大夫岢嵐知州

王天福以孫懋學賜贈奉直大夫戶部主事又以孫心學

晉階奉政大夫監察御史

王允中以長子懋學封奉直大夫戶部主事又以次子心

學晉階奉政大夫監察御史

國朝馬景宸以子爾棟贈文林郎遷安知縣

沈養鯨以子紹祖贈奉直大夫遼州知州

謝戴訓以子弼翰封文林郎龍里知縣

南煜以孫宮鼎贈文林郎鳳翔府教授

南之璽以子宮鼎贈文林郎鳳翔府教授又以孫濟漢

贈文林郎安福知縣

南宮鼎以子濟漢贈文林郎安福知縣

永昌縣志卷之六

藝文志

道德實也文辭藝也而記事之文亦其實者潤色山川次之要皆不失其所以為志否則雖瑋麗無取焉明以前散軼殆盡厥後迭有篇章擇其尤雅家帙之關於人與地者間附一二俟鑒定于方來舊志所載不具錄云

重修廟學碑記

明江朝宗

孔子之道蟠乎覆載而不見其際貫乎古今而莫知其極者有經傳俾天下萬世得明夫仁義禮智之理以共篤於君臣父子夫婦昆弟朋友之倫迄無窮也我朝定鼎即建永昌縣志一  
卷八

學於京師詔凡郡邑皆立學校而是邑創修在宣德初略具規模而已歷今三紀多所傾侈雖春秋禮行釋奠神之格思未敢信也至於師生講習更無從賦攸寧焉都御史中州徐公廷璋巡撫來甘抵永昌進謁先聖退覽學舍大懼無以稱朝廷興學育才之意祇率都指揮僉事李君尅日鳩庀而重葺之以佚道悅使以明命申嚴伐木於林取石於山梓人効藝羣力皆作築卑以為高闢隘以為廣廟自大成殿及兩廡聖賢像位塑繪如制烹調有厨器皿有庫次之譚經有堂絃誦有齋坐息有居造饌儲粟皆有其所復墾田若干畝招人耕之以所獲易牲帛佐二丁之不

逮名雖出於維新功實倍於肇建始事在成化四年之夏  
明年春三月告成徐公洵大有造於是邑哉夫澤宮為明  
倫善俗之區弊陋偶形經營務亟嘗見士大夫拖紫紵青  
假靈於詩書而歸祐於釋竺祇林精舍金碧雕鏤而至聖  
之居則坐視其鞠為茂草亦何不損彼之有餘益此之不  
足乎後來者毋忘徐公今日之舉可也按察憲副鄭公親  
觀其盛來京請余言因為書之凡預茲舉而獻贊從事者  
具載諸碑成化六年七月記

祁忠勇公戰功碑記

本朝

掄姓闕

辛未夏余奉簡命觀察甘山將之任道經永昌距城三里  
永昌縣志

卷八

二

許見道北有豐碑屹立下車視之大書湟中祁將軍手刃  
三虜孤軍戰勝處十四字而惜未載其詳詢諸耆老則曰  
將軍諱秉忠西寧人由襲土司叅鎮吾永其時邊方久靖  
戎備頗弛狡虜伺其隙忽以千餘衆洶湧而來前鋒已至  
此處城破在須臾將軍聞警率部下兵擐甲執刃出躬先  
躍馬徑入圍東西馳突殺三虜虜驚以為神各鳥獸散將  
軍急追之越界百餘里始還所以保我先人而綿延至今  
日者皆將軍之賜蓋萬歷四十五年事也邑人感其德勒  
石以垂不朽幾八十年於茲矣余聞而嘆曰古云一人當  
關萬夫辟易其將軍之謂乎比抵甘晤提標叅府祁公伯

豸將軍嫡孫也為余具道其始末乃知將軍去虜之明年  
遷涼州協又明年拜平羌將軍擢鎮甘州俄蒙召見寵賚  
甚渥加太子太保提督薊遼每遇敵輒先往尋以血戰死  
於陣上聞卹祭者三賜謚曰忠勇豐功駿烈勛府藏之其  
冢子國屏以廕襲任威遠遊擊值闖賊亂重其才將引為  
黨厚啗以爵祿弗從賊殺其僕屬以脅之卒弗從乘間擊  
賊賊遁去夫將軍以孤無所援之身禦猝不及防之虜於  
呼吸轉瞬之間竒矣迨後位益顯節益勁終以死報朝廷  
抑又難矣而賢嗣抗義拒逆不少挫折固其至性過人亦  
豈非將軍之教之靈所培育而成者哉壬申五月廿叅公

來協永余以賑饑如湟中適永協公之弟仲豸者為本邑  
遊擊暇日邀余至其家因得覽其世牒益信將軍忠心亮  
節向所聞皆不虛彼苟安祿秦全軀保妻子之臣對此可  
愧何如耶然或不知自愧且從而議其後曰孤軍豈能當  
衆虜特倖成耳捐生又豈所樂為非窮無復之則輕身冒  
險以沽後世之名耳嗟乎已則弗能反滋詆毀此忠良之  
所以不數數覲也秋暮余役竣旋甘過永永協公慮遺碣  
之將仆思祖德之就湮既重為豎建復新礪一石欲以誌  
其詳而傳於後再拜乞余言余佩服將軍久矣敬核其實  
行而直錄之如此時康熙三十六年九月也

鐘鼓樓在城正中廛肆交會之所規制倣西安而崇閣盤固彼無以尚焉始於明萬歷十八年其上懸巨榜四相傳邑明經葉錦閉戶冥思三閱月興至落筆迥異常作名公卿過而睨見者悉歎其神妙崇禎間與樓俱燬先是諸生楊心誠者設塾樓側酷愛其書暇則坐立瞻玩若歐陽率更之於索靖碑蓋十餘年樓既復因模出之字較縮於前今玉關通道十六字是也吁葉氏邃於學惜不遇以善書聞夫積生平之力擅此一長積生平之長得此數畫而造物者忌且阨之僅僅餘其形似抑何窮與然猶有其似者後

之人望樓憑弔恨不識當年真蹟恍惚中如鸞斯翔如鳳斯翥則不傳之傳更章矣至楊氏所為唐臨晉帖耳又經鉤搨而損其初迄用克顯是故人不可無所托以自見於世也從來專其習者底其精悟其理者幾於化載觀衆伎門分類別苟超凡詣姓字永存彼奕戲也而秋稱於孟解牛賤也而庖丁稱於莊種樹鄙也而索駝稱於柳矧迺雨粟衍流煙雲幻跡泊夫鴻文麗藻凌古轢今與道德勛猷之表表者乎樓故名聲教中祀文昌邑志云朝夕考鐘伐鼓振興文教蓋前人之旨微矣夫有周辟雍是建盛紀於論其時有三德儀刑於上又廣立學以冀譽髦其下多英

三四日賊偵知散處深壑中兵甫登嶺賊遽起追絕前後  
公被執憤罵而死鐙救之不及亦死事上聞敕曰毛忠不  
愧其名矣晉封伏羌侯謚武勇吁使公待時後動戰而得  
志則功益高生膺萬戶所必然要此工趨避苟富貴第身  
家計耳丈夫許國寧馬革裹屍或姑延之至於師老力竭  
倉卒變生一蹶不能再振可若何且人臣為國死其生氣  
凜凜為醜虜所驚憚足以壯山河而衛社稷公誠豪傑矣  
哉而朝廷之軫恤之者遂無弗至易名之典吾邑得與者  
公一人詔入忠孝祠春秋享祀死猶生也蒙予世券鐙之  
子兼有餘蔭其榮寵若此然度公之心方以主知有負愴

泉下魂耳歷今三百數十年其族蕃熾時有游庠陟武科  
者皆天之厚厥施也記之俾勒諸石謁是祠者觀焉

書胡稚齋先生傳後

南宮鼎

我永有明已來身將帥而忠勤懋著者以三四數若夫崛  
起儒林則胡稚齋先生一人而已嘗聞諸人曰先生以魏  
璫顯詞所涉至備丐不能堪且取證云城中廣營灘故有  
忠賢祠是胡公建者夫先生之豐功亮節褒錫三朝軸連  
金玉何恤乎浮言雖然人惡雋異間有偷揚者率以為非  
其真也而置之有詆毀者則傾信之而謂其尚未盡也吁  
可無論哉攻先生左貳民曹萬歷十八年春卒於京邸而



忠賢於十七年始充內監隸司禮監孫暹供役其竊權用  
事在熹宗之朝於先生渺不相及也天啟五年蘇杭織造  
太監李實奏建忠賢祠於西湖之麓上賜額曰普德自是  
四方效尤幾徧天下所云廣營灘祠予童子時見之中塑  
神像就令先為魏祠或有司嚮風所置而先生下世距此  
三十餘年其奚從而建之先生仕進當張江陵秉國之日  
江陵攬柄能進退人若言官余懋學等事既陰屬之藉可  
攀援以上先生乃重忤其意遂令忌之不足以容謝病而  
歸夫舍加膝墜淵赫赫之師相尚肯俛首下心奔走他人  
乎予初不知為是說者於先生何仇直煽惑以至今日使  
人人橫其說於胸中而敬之不免於疑之較諸構陷其身  
而名常炳於後世者其流毒蓋滋甚猶幸死生間阻不與  
逆宦同朝設如康對山先生不得已而晤劉瑾雖百千其  
喙將焉置辯然而對山先生之心跡當其時已皎然大白  
矣獨先生被其誣而莫為之雪何哉近者難蒙遠者易污  
也士君子藻鑑人倫揚清修於既往當熄乖論於方來簡  
編具在盍共稽之

劉建雲川書院記

黃時

書院之大者在省會當道校諸郡縣士而拔其尤延名師  
董教之日餽月廩費皆出公帑以爲之甚渥也而郡縣視省制

又各為建彬彬乎黨庠術序率土皆然易曰觀人文以化成天下惟我

朝為極盛焉永地處邊陲近百餘年來登科第者僅三人士氣抑塞風教頗未光其需書院最急然從未有起而議之者乾隆己卯太谷郭公昌泰莅茲土即謀創置會軍興旁午未果至壬午秋乃舉厥事公先捐三百金為之倡闔邑縉紳先生及里巷慕義之士感其盛心胥願相助為理閱月而醵金二千餘兩公以二千分典生息備師生歲脩膏火之資即以其餘於城西北隅購宅一所仍其舊基而補葺之越明年癸未七月告竣勝曰雲川雲川在城西二十

永昌縣志

卷八

八

里從地號也夫地若天山鸞峯金水可稱者亦多矣奚為而必取乎此蓋以雲蒸而益上其象為升川流而不息其象為恒公將使肄業於斯者晨雞夜火水滴繩穿汨汨然如川之方至而因以臻於雲霞蔚郁之觀所以期許來學者意寧有窮乎哉而且以明經而其堂教學之本畢在是矣經者載道之文也子思子曰修道之謂教舍道無所為教舍經又安所為道惟為之而後可以明之也培其根柢然後參之諸史子集及秦漢以來之文旁通觸類而終斷以經學者由是而之焉羣將黜華敦實以從事於忠孝節義求不愧為儒者撥料登甲猶其小焉者也然則是舉也成

教於一時即維道於不墜其功與德烏可量諸且夫事難作始亦貴圖終後來者守而弗替或更增大之諒有同心而公固不能無望也於是乎記

重修魁星樓記

南濟漢

魁星樓邑鄉多有而斯為大尊經閣峙其西文筆踞其東北枕城垣南窺龍峪登之則萬峰仰拱衆渠環流曠若境內數百里戶誦家絃皆其映照初建不詳何時續葺於明萬曆十八年題識猶存乾隆戊申余嘗治神座與其階梯遂有修焉之志荏苒二十年未能也嘉慶己巳武功徐君作楷來典學甫一瞻謁輒思小補而與余商余以歷年多永昌縣志卷八

九

寔尋將不可支當及時為久遠計於是邀集紳耆而詢謀之心同響應須臾而得所需之半又分簿各募不兩旬復得其半我邑凡公舉未有若是之爭先恐後者蓋文事所關也儻亦神實助之乎時則太學生張有科鄉耆魏琇庠生朱向陽慨然以總理為己任協助者庠生王國賓許三傑約正皮文祉張誥明皆以糗糒自隨雖風雨輟工畢來檢視始於十五年三月竣於中秋何其易耶非得人不及此樓原起臺上臺以土亦云固也然剝落所不免茲於其下周遭甃石三重通體徧繚以甃行道稱是其上楹櫺棖楠傾者扶之敝者覓之裂者緝之旣建在覆率易舊而進

新厥頂故方有謂宜圓以象星者從之大率世間物久則必變惟以不盡失其本來為幸耳土木既備丹雘攸加不務美觀期於克永嗣自今春秋遵豆穆穆皇皇神其寧止而多士躋攀亦當丕振其志矣臺之前為文昌殿亟待完整近奉

詔崇祀帝君三代尚無專宇殿之左有圃揆作允宜行將與諸君子圖之

再遊雲莊山記

南濟漢

雲莊山在邑東南六十里雲四圍如莊又金玉枝葉若為山莊嚴者然予遊後踰三十載適秦隴數客過訪意在遊永昌縣志卷八

十

因為道茲山之槩客欣然往比還笑謂予曰何誑也私念人事星移山川改色客所涉或非予所經於是約及門二三子遊焉至則所見較前為勝雲莊以雲名何山無雲獨此晨夕晦明遠近上下怪變不可方物足令髡行舌卷顧陸毫停江鮑吟歇行到水窮處坐看雲起時好道如摩詰輩庶幾心契其妙而究不能具言之烘染太素則為朝暾為暮霞為前後兩林之松松始自晉當無復存者斷巖絕磴樵跡所不至間有幹若銅青鱗若鍍黑榮枯相半傳為前涼僧摩阿手植或然其餘覆髯石骨陣列檣連多數百年物予謂松始自晉則以為晉之松可也猶縣始自漢則

以為漢之縣可也往者每至邠岐間覽其山川草木恍置身三代時不復知有秦漢矣松下泉流石上清可以鑿甘宜茗拾松枝煮飲之沁人心脾泉出止一勺漸若盆翻嘗下低窳相直處仰觀之驚若玉峽飛龍頰異曩境霽曉陟崇岡西望城郭依稀在眼舉頭天青欲滴徙倚迴矚恨不生六翮作萬里翔竟令人忘其老落落樓臺寺觀略施點綴如古尊卣生斑斕樸翠可愛東詣石佛崖鏡削峯竒向所躍喜今殊不欲登以孤峭干造物忌而士君子之立身不宜爾也嗟乎維山之靈覺我以形滌蕩塵穢匪云杳冥惟邱壑中人久乃遇之當世所稱豪傑方將攀崑閬之高

擷岱嵩之秀攬金闕珠林之都麗藉以抒發其道德文章視此塞上峰巒直佛子舍野人居耳何足流眄乎哉遊旬餘二三子從之歸問客已去不獲與言

北郊山水記

南濟漢

天下巨觀山水為最其在我永北郊者特崑崙片石黃河一滴又以藁爾邑不能殫人工疊開生面貌乎小哉過者多賞之往來使節亦間至非云勝也征塵中幸賴有此且近郊不勞耳雖然善繪者縮九州於尺幅則大可小今自雷臺演迤至真武巔作一字觀則小亦大其間峰巒向背溪流斷續與夫樓閣林麓之高下參差他若鳧渚磴輪豆

畦麥隴殊不至一覽而盡遊於此者自適其適有衆耽所  
下常經獨與神契如孤嶼索梅如月下扣松關尋高士談  
差足樂俗亦有蹊成桃李喧吹雜還姑合之去俟闌寂時  
邀數同調及方外友攜酒榼摘新蔬縱論古今名流瑰節  
或佛書道錄為是處闢一清涼界其樂何如如斯而遊可  
偶至亦可屢至則日之洞天福地等於曠如奧如者固宜  
然猶娛情肆志之所為未足與務實者道也予嘗謂儒者  
閉戶擁圖既不能徧歷天下名山大川搜奇領異即此可  
以悟學焉於雷臺峻閣飛甍見發端之突兀於魁樓小折  
見旋轉之沉雄於觀音塘水雲觀見其渟蓄生動具沐日  
永昌縣志一  
卷八  
十二

浴月之形雲垂海立之勢於金川寺登高四顧萬象俱會  
從知根窟中不名一物實不遺一物由是迤西至山緣麓  
達頂正未識過此以往將復何之就遊思學直引人入勝  
者而豈第迹焉已耶且夫地以名傳貴真而雅觀音塘俗  
名海子志稱柳池李仙洲刺史宰永日易以北湖意與坡  
公東湖比美第未著其所以異於常水予命之綠潭其色  
固然也有詩云是湖亦海命名頻老去行吟始見真凡水  
只爭三月綠此潭長貯萬年春蔚藍倒射光難住楊柳低  
垂染未勻剛過小橋還似練應從大士問元因邑八景中  
柳池漾月最佳若以綠潭易之則波開一鑑靈霽對無垠森

然其真彌出予本鈍人童子所釣遊老而始悟目前如是  
况於奧區物象如是况於義理則凡曩所籬窺壁聽自以  
為得之者猶未至其處也北郊山水其顯焉者也

詩

贈哥舒開府翰二十韻

唐杜甫

今代麒麟閣何人第一功君王自神武駕馭必英雄開府  
當朝傑論兵邁古風先鋒百勝在略地兩隅空青海無傳  
箭天山早挂弓廉頗仍走敵魏絳已和戎每惜河湟棄新  
兼節制通智謀垂睿想出入冠諸公日月低秦樹乾坤繞  
漢宮胡人愁逐北宛馬又從東受命邊沙遠歸來御席同

永昌縣志

卷八

十三

軒墀曾寵鶴畋獵舊非熊茅土加名數山河誓始終策行  
遺戰伐契合動昭融勳業青冥上交親氣概中未為朱履  
客已見白頭翁壯節初題柱生涯獨轉蓬幾年春草歇今  
日暮途窮軍事留孫楚行間識呂蒙防身一長劍將欲倚

崆峒

恢復扒沙

明張鳴鵬

桓桓虎隊出車期漠漠龍沙奏凱時虜滅全收唐土地兵  
迴爭擁漢旌旗葡萄酒熟征人醉首荷花深戍馬遲聽取  
琵琶彈夜月短簫長笛雜梁伊

鸞鳥山懷古

嚴明

萬仞摩天到眼頻，縣依山立並嶙峋。昆邪率衆知降漢，武帝開邊遠軼秦。雪嶺自升青海月，松風今度玉關春。高城低谷煙霞裏，有鳥飛鳴五色新。

送別胡大中丞還京二首有序

王世貞

大中丞雅齋胡公入佐司徒貞，以多病里居不獲躬從父老卧轍，請留聊成二律以壯行色。蓋公之功德人能誦之，而公之苦心人不能盡知也。故於結語中深致感云。

關西清白古來傳，數到胡威更瑩然。新轉地官饒建地，近從天語見回天。尋常八座人猶羨，四十三台爾最賢。惟有永昌縣志

卷八

七

苦心真絕處，青燈課子淚痕偏。

五雲將送畫熊車，乞借先知冠不如。主計入陪蕭相府，阜財能用范卿書。窮簷畫屬吹噓後，多士爭承咳唾餘。漸老杜陵懷舊切，春風寂寂浣花居。

懷杜耽故居

曹毓芬

家傳左氏癖耽也，豈耽遊男兒不將相。安戀故鄉邱東南，信可適君胡來西。州萬里玉門道，昔人此封侯所遇多。枳棘鸞鳳焉肯投，行行金山下破水清淺流。聊息朱門謁閒，與白鷺儔倚崖一茅屋。歲月小淹留，張軌真晉臣聞之趨附舟。壯志鬱以老，何如此長休。



永昌懷古四首

本朝南宮鼎

作邑西垂漢武功  
休屠戢後更多戎  
奇驚盧水推張旆  
策定金山紀馬隆  
節度平西軍益壯  
封藩控朔路何雄  
由來陷復棋枰似  
鞏固

熙朝萬載同

山川百里古巖疆  
獅踞龍蟠不易方  
城築嫖姚沙漠垣  
圖斗谷草茫茫  
雲間寺古松聲細  
水畔營高月照涼  
故衛數椽元邸影  
幾留臺榭屬侯王

籍入前朝罷鼓鞳  
凋殘霜燹又流離  
千門雲鎖拋多壘  
四國烏瞻憩一枝  
板屋居聯金水岸  
犢犁耕近雪山陲  
何如永昌縣志  
卷八  
生齒繁今日澹蕩  
春風徧野吹

十五

心殷索駿古無圖  
史乘于今姓字俱  
列爵崇封褒大節  
辟雍隆禮賜司徒  
英雄幾輩邀金紫  
著作何人望柳蘇  
十室良材深自愛  
當知名士著名區

新城行二首一為蔣生應蕃  
應蘭作一為趙生大鯨  
暨其節配李氏作

平羗山口羗不平  
協帥飛檄西南營  
但宜扃守毋往禦  
驕虜自是入新城  
馳掠無過百十騎  
片甲不來夫何忌  
少壯奔竄老哀號  
蔣生同懷同道有  
同志壘門挈配各  
喻妻匪族須與瞰  
深閨旋呼大小女  
若子嗚賦寧隨翁  
孀死藥罷

聚薪燔其家望望白骨化丹霞朔風飄瞥棟梁燼伯仲後  
先飲霜刃豈無盤金跽獻獲全軀予膝肯屈犬羊奴亦惡  
困獸圖窮猶一鬪只此忠信當甲冑裁決盡室誰生存雲  
破天關招九魂吁嗟乎葛藟安能庇本根所幸季弟邀冥  
佑侵晨伴送歸寧婦偵俟氛定始言旋若教幾餒今有後  
向令具書達

朝廷姓字長與史俱青春春秋祭享豐血食百倍村祠牲醴馨  
吁嗟乎霄壤升沉等閒事初非殉名但殉義千秋正氣文  
山歌家國雖殊心不二

雪峰俯新城多有靈氣貯蔣氏鍾二難誰與踵其武礪落  
永昌縣志

卷八

十六

趙生知道人讀書好義程先民山寇圍莊度不免白璧忍  
令玷風塵士也見危當授命冠沐從容巾袍正仰面飲藥  
遊帝鄉少婦聲吞抱貞性雌燕伏卵泥墮梁結縲梁上素  
練長玉韞在石珠懷水行與俱逝夫應傷女復石蓋堂北  
穴未到泉臺此幽閉古劍三尺依妾身虜來妾身化冰雪  
虜竟不來天相之出坎營葬產佳兒兒彊諸孫已繞膝六  
十從夫豈為遲

水泉行為守備白斗子武舉輔宸作

唐軍元路邊防重戰績近推祁忠勇白斗蛸縮失戎機僵  
守協檄山難動有子輔宸果力多謀偉丈夫挽戈牽騎長

街呼枯坐空復棄家室從我盡斷累累腥頭顱父老傳言  
擊社鼓兵民挺刃一時聚爭似攫兔疾於鷹不道吠虺猛  
如虎燕支山下風怒號羣夷膽破飛奔逃僉曰白君義士  
亦勇士生全兩堡洵足豪宸也聞之寒慄股歸予功兮死  
予父衆喻厥指哀其誠若翁從此冒虛聲以故後來協副  
法無爽水泉潛鱗獨漏網往事紛紛傳至今應知當年孝  
子心

城南行為郭耀作

郭耀田家子高陽徒與隨血性貫金石虎氣騰鬚眉山獒  
肆焚掠老幼啼城垂門閉不得入胡能免瘡痍壯士憤長

永昌縣志

卷八

七

歎營哨儻未知自揣屯骨相恨未列偏裨沿邨糾衆刀蜂  
集受指麾農器為劍戟神幟為旌旗風趨吼鳴雷鳥獸各  
奔馳緩急須度勢我寡母輕追寇去乃復來羣潰身才遺  
丈夫立天地志定誰可移雄關一人守壞廈一木支馬蹄  
卒見殺豹死留其皮鈴閣尚高卧延頸能幾時

天山積雪

黃時

祁連高鎮直聳雲端終古陰凝雪鬱盤頂現芙蓉青數朶崖  
迴日月白雙丸迤南凍谷銷初夏向北晴渠析巨湍為禱  
山靈兼作雨帡幪永托不知寒

雲莊鋪翠

信是東南第一岑，空濛積翠足幽尋。仙巖捧日遙城見，松  
黛參天衆壑陰。高處泉流多似瀑，望中雲起已為霖。纖埃  
不到真韶麗，紺碧樓臺任古今。

柳池漾月

溶溶初地夕光添，一片空明象外瞻。堤畔綠森星化木，波  
心皓射鏡開匳。人來賞月常維馬，興劇依林欲捉蟾。料是  
海南清景似長吟，莫漫下青帘。

金水潺聲

何處松翻萬樹濤，旋疑驟雨過林皋。驅車石磑行頻折，側  
耳金川咽復號。旦暮衝澗千磴合，夙雲呼噏四山高。還宜  
永昌縣志 卷八 六

鼓櫂尋聲去水澗，天清興正豪。

東岡晚照

平原漠漠夕陽西，返照東岡駐景齊。一氣天移函谷近，赤  
標霞映石城低。羣山暝色綠蒼蒼，十丈晴光擇地棲。杖  
高人忘日暮，憑高猶自步丹梯。

西嶺晴嵐

好山無岫不生嵐，獨有西巖須靜參。霽後秋冬微帶雪，  
晴高下盡拖藍。天光作累編爛化空翠，如流霹靂含古洞。  
雲深仙已去，老樵攜我此幽探。

南峪龍騰

鸞鳥昔來棲何處神龍飛去有龍堂初潛石峪南山隱忽  
曳溪雲萬里翔破壁謾誇晴閃爍延津不讓劍光芒禹門  
即此游多士矯首青冥兩腋張

北山獅伏

嶄然何日孕靈胎恍是文殊坐下來崖側怒蹲驚象兔柱  
頭冥契吼風雷睇烽北峙長為鎮啞雪冬粧暫已頽射石  
將軍曾誤虎操弧過此莫輕猜

題伏羗侯家祠

謝弼翰

古宇上寒暄巋然生氣存國書標武勇臣節礪公孫礪架  
山前血松庭月下魂春秋邀祀典不獨在家垣

永昌縣志

卷八

十九

訪高昌王墓

方毓倫

謁冢大夫歸國後長拋坏土傍空林骨寒無復抒親憤地  
隔還餘翊主心欹側殘碑埋蔓草蒼涼逝水發哀吟此來  
不為封藩貴吾邑當年被澤深

觀河樓

南濟川

金川寺後萬雲屯百尺樓開佛宇尊北面岩堯山俯塏西  
來激灑水懷村銀濤激磴雷聲隱綠浪穿畦雨意渾多少  
人家資利澤法王功德不言恩

轉澗口觀水

南濟楫

鎔雪下崖嵬奔流幾若迴入關雙峽合過澗九渠開重借

元冥力還須鄭國才東菑偏沐澤鼓腹向春臺

金川懷古

漠漠金川下居人盡力耕祇今一峽水何處萬人城野戍  
征鴻影長邊牧馬聲王侯原上冢樵牧不分明

後大寺即聖容寺

南濟漢

一綫邊垣達玉關半渠流水入蕭灣紅塵不到幽深處紺  
宇常浮杳靄間佛後洞中仍禮佛山前寺外更觀山當年  
勝地時防虜花木於今總是閒

綠潭冬暮

源頭活水冬無涸浪靜雲高天漠漠冰雪重封草樹堤琉  
永昌縣志

卷八

二十

璃一片魚龍冪鑪烟縹緲寺鐘鳴日返西巖暮靄生萬里  
長沙湘上棹蒼茫不盡此時情

雲莊古松

但得秦封意年光勿瑣談高寒惟抱節深翠早為嵐閱世  
何多變空山總未諳丹樓藏秘笈常把與君參

是編始於嘉慶癸酉之十月閱歲藁訖命子棠書之遂  
付剞劂乙亥臘初竣事其悉心採攷則五載於茲矣後  
之作者庶有所因焉

濟漢跋

重修文廟記

南濟漢

文廟肇始於有明永樂初以次揆作逮成化游就完整志記綦詳近自乾隆己未役事後間或治之補苴焉已歷今八十餘載大成崇聖殿猶為凝固其廡宇門坊之屬壞不可支尊經閣則隆慶五年昔理已來無復及之者景象可想見也爾迺四垣洞達致非族恣其出入豈所以藩衛聖域乎哉方之道鞠彌增浩歎於是約同志修之計費所自如有豫為儲者先是乾隆甲辰邑令李公登瀛倡於城東門外迤北而西隙地種楊曰此易殖他日可資公用紳士

永昌縣志

續編

謝弼翰方毓倫南濟漢允肩其任茲已長成矣又雲川書院圃中多榆半將朽除選材備楹楠外餘悉易之為鳩尾之需不足未嘗持鉢向人而臨時自致之殆有不可知者乎至輓運土木車馬供自里間固其所願也工興於嘉慶二十二年丁丑四月由外而內自夏徂秋毋遽毋率惟樸惟堅閱五稔而後歲事其司會計兼監督者王國賓張麟瑞張誠明王瑞初終協理別有朱向陽張淑倫楊發榮若張子昌魏伯麟董可舉亦嘗効奔走例得與書道光元年辛巳秋七月丙申中浣記

重修文昌宮記

南濟漢

文昌宮建自有明因時昔之賴以無傾今剝甚矣又未安者毀之東西側各有賓寮其在東者結構偏前掩殿辟之弱半其大門左偏亦如之非所以肅廟貌而妥神居也嘉慶辛未修魁星樓議曾及而不果為越丁丑從事文廟尚未竣輒移其工於茲何也凡人之情當近其地而習見之則怍然有動於中及其離焉以去置不復念邈若山河之隔以千萬里者矣即於戊寅五月撤其蔽易其朽飾其陋闕八旬而成殿以內嚴密而光輝外則端莊中正庶無泰於祀典哉既志其顛末而復綴數語以告後進之瞻謁於斯者其詞曰瓊樓玉闕高幾許層階以上士盡能升學永昌縣志

續編

二

固弗可已也而非惟此之堪憑惟天陰隲帝訓明徵悖之則遞減修之則遞增培心田而允殖佇雲路以高登據今攷古信乎有徵是工經修者王國賓張麟瑞王瑞也若張子昌魏伯麟張廉鵬與有微勞焉嘉慶二十三年十月中浣記

興文社記

南濟漢

文之興也由於學學者枕經藉史擷實銜華以植其本夫然後奮翼南圖於以扶搖直上此足乎已無待於外者也惟是鄉會途遙深潛之需往往吝於資而終身不獲一往亦殊可念邇來郡邑多立文社雖行李未能盡供庶幾得



所助爲我水之建此社歷三科矣其捐貲所入以次生發  
除已費現存本息錢壹千貳百緡呈縣立案交各典商按  
月加利一分永遠營運歲底清其利老成紳士經理之每  
值科分給外務量爲節省俾其積之以漸久而益蕃如是  
則亦所謂可大可久者耶選貢京考給如會試例至於他  
端斷毋假易從來弊竇之生起於一時之姑且不可以不  
慎也繼自今棧樸菁莪日新月異凡我同人與有榮施焉  
而并以望夫多士之亟自勵者道光元年辛巳十月己亥

湖記

重修城北魁星閣關帝廟記

南濟漢

邑城北迤東高阜之上建有魁星閣關帝廟始自張公良著  
星居也神宅也亦書屋也適基址折裂住持光行禪師議修  
之以閣嚮南殿嚮西廡於離位監坊為龍門一道通行不應  
文明之衆體裁允合規模甫具而禪師觀化以去其徒覺潭  
與鄉諸君子協力舉工既竣余病久無王粲之興及門以倚  
代與昇之而上則見夫雪嶺橫郭外其氣渾浩其光晶瑩縹  
緲掩映於殿閣之間視前迥異意者人材之生有時而盛此  
其兆乎未可知也其地前後左右山拱水朝樓閣環抱遊人  
多集於此拈韻揮毫以適其情之所至往往臨流浴硯携月

永昌縣志

續編

銜杯樂哉遊乎吾謂此學地非遊地也學主靜東坡詩云無  
事此靜坐一日勝兩日若過七十年便是百四十最得主靜  
之妙此地高而狹整而嚴有人肄習其中則非不好者掉臂  
不顧由是窮極幽微問津關洛久之私去理存以其秉燧還  
諸天地可以仰斗首而無慚對麟經而不懼其於為人庶幾  
乎或曰科目有關於顯揚是不可廢曰昔王陽明先生教授  
遍海內專講心性之學而鄉會兩元俱出其門下若此者豈  
有分途哉昔吾黃鸞山師曾學其中博通經史正直端方蔚  
成名儒此其概也我先大人中年亦嘗作面壁想居經半載  
而逝志未能遂竊嘗窺張氏創建之初心未必不及此故揭

出之余曩寓關中與三原周勉齋交甚善暇讀書皆其所讀  
非其言不言非其行不行跬步與偕有受益處且戒之曰見  
恠流俗勿恤也往來兩年餘竟以不投時好去余亦遂歸今  
殖荒既耄弗克研討於茲率作鞭影以為後生勸謹記

王國賓字觀卿庠生為人篤實端方事繼孀母極善母性  
乖婦孺稍不當其意輒怒及國賓國賓俛首靜聽俟其聲  
息然後敢退至有萬不可堪者亦甘受之從未告人母年  
九十性如故國賓六十餘事之亦如故也臨終猶囑子極  
勤奉其母云

李向榮自幼於親無忤色父協彰家貧楚人經紀性瀟洒四十而罷子向榮甫二十業商以贍其家甘旨則奉親已與衆燕粗糲其父好策蹇見所愛輒易置歲糜多金向榮託相知為備其父携取而已值水日佳時邀數鄉老與遊於山水之間處幼弟最善又承命憐恤族戚之極苦者其亦可謂養志耶庶人之孝有此足以風矣

魏氏張發明妻年二十一生子縉越數月夫故一慟發絕  
比殮訖顏色甚慘而無哭聲姑見其舉動有異偵之則以  
菜刀自隨苦諭之曰爾為夫死獨不為我與呱呱者計耶  
氏乃悟仰事俯育備盡厥心縉甫登庠而氏歿年五十歲



矣亦昌時亦聞樓簾斗  
其不志相睿而息聲岳  
事肆畢過來慕精率先  
終蓋刊從將焉廬當生  
始匪讀今茲亦將服却  
於伊心夏士未心政南  
綠朝簡所一心著以化  
需少亦手經見徒疾寧  
山心明輯請也余乞歷  
房分直永謁乙久還育

後嘉邑保藏於是  
學慶存守心斯其  
徐丙天亦名因童  
天子獻勿心真時  
灑清意失授於嘗  
謹和良焉諸斯緝  
識既深所真非書  
望敬以徒私蒙  
舉為慎心板  
蘭是固也錄

